

Okusherura N'omutima Gwona

Jeffersonville, Indiana, USA

Okwamwenda 1, 1963

1 Ka tugume twemereire hati obwo twinikire emitwe yaitu. Mukama Yesu, nitwikiriza kwonka. Otugambiire ngu twikirize kwonka, mbwenu hati nitwikiriza. Mbwenu Nitukusiima kandi nitukuhimbisa ahabw'ebi tuhuriire kandi tukareeba, ekyo nikihamya okwikiriza kwaitu. Ka Nitukusiima ahabw'ogundi mugisha kwija kuheereza abo abaine ebyetengo. Hati Ninkushaba, Ai Ruhanga, kumara ebyetengo byaitu ekiro eki nk'oku okuraganisa Kwawe kuri. Nitukishaba omu Iziina rya Yesu. Amiina.

2 Tushemereirwe munonga ekiro eki ahabw'omugisha ogu gw'okugaruka omuri tabirinaakuru egi ogundi murundi, ku-ku . . . n'Engiri ya Mukama Yesu owaazookire. Kwonka naakyerererwaho kakye. Naagiraho ekirkwetaagisa kukorwaho ahonaaho okuruga Michigan hati hati. Kandi Mukama yaaheza kukorera ogwo mukazi eky'okutangaaza. Mugyenzi, ka Naamanya byona kandi akita aho . . . Tikirkwetaagisa Kumugambira; Naamanya, Naamanya eki kiri. N'ahabw'ekyo nitusiima munonga. Abantu bavugire motoka eizooba ryona kwija hanu. Mbwenu, reero, nitusiima munonga ahabw'ekyo. Hati, muteebwa e . . .

Orutambi oru nirukwata amaraka? [Ow'eishe-emwe Neville yaagira ati, "Egyo ni swiki y'okutaho etaara hariya." -Omur.] Oo, swiki y'okutaaho etaara. Naayetegyereza.

Muteebwa za-zaasaaviisi omu saabiiti egi erikwija, Orwakashatu nyekiro, hamwe na Sande eraakurateho omu kasheeshe, na Sande nyekiro. Ku oraabe ori hanu, haihi na hanu, nimmanya ngu buzima nibaija kushemererwa kuba naiwe.

Kandi hati, munshabire, naaba ninza omu rugyendo rwangye ahandi hantu, kandi nyine amatsiko g'okugaruka juba.

3 Niinyenda kubasiima mwena ahabw'embabazi zaanyu n'okwijuka ebi munkoreire. Kandi ow'eishe-emwe yaaheza kuunyoherrerere suuti nsya y'ebijwaro okuruga eifo omu kanisa nkye omuri Georgia. Kandi-kandi n'abantu abo . . . ni kirungi munonga. Kandi niinyenda kusiima abantu abo okuruga eifo omuri Kentucky, abu mbaire ndi nabo saabiiti ehwingwire omu kiruhuumuro. Kandi n'ebi Mukama yaatukoreire okwo, bikuru, omukono Gwe gw'amaani ogu twareebire, ebi Yaakozire.

4 Hati twine amatsiko g'okugaruka kubareeba ogundi murundi juba munonga, ahonaaho naaheza kugaruka kunu, ninza New York omu ruteerano. N'omu Kanisa ya Stone n'Ow'eishe-emwe Vick, kutandika, niinyikiriza ngu n'ebiro ikumi na bibiri Okwaikumi-na-kumwe. Kandi nitwija kuba hanu, ebiro bikye obunaku obwo butakahikire.

Reero tugarukye turabe hanu ogundi murundi, nituza e-eifo omuri Shreveport, Louisiana, n'Ow'eishe-emwe Jack Moore. Obwo n'omu Kusiima, saabiiti y'Okusiima, kuba okwo omuri Shreveport. Kiri aha rubaho rw'okutaho ebirango, nintekateeka, enyima okwo omu birango.

5 Kandi twine amatsiko g'okuba na bamwe aha banywani b'omu mashuumma ahanyima ya Kurisimaasi. Reero nitwija kuba omuri Phoenix omu Kwokubanza. Reero kandi tutegyereze okwetwa kw'okuza seeri y'amayanja, nikwo tubaase kutebeekanisa enteerane za seeri y'amayanja. Nibazitebeekanisa hati, oku kwezi kw'aha muheru, Ow'eishe-emwe Borders, nibahandiikirana amabaruha, kugira ngu habeho orugyendo rw'okwetooroora ensi yoona kutandika ahonaaho twaheza kurutebeekanisa, kwonka nituteekwa kutegyereza ebirkwetaagisiba.

Okwo abantu ni baangi munonga munonga, titurikubaasa kubata omu byombeko; nitubata aheeru omu kishaayi. Reero kandi obundi nibahika, haihi kigumire kwikiriza omubaro, obumwe n'obumwe nibahika nk'emitwaro makumi ataano. Ekyo ni kimwe kya kabiri ky'abantu miriyoni abateeraniire hamwe; atari omubaro gw'abo abaija omu biro ebitarikushushana, kureka omu kuteerana kumwe. Nimumanya, emirundi mingi ababuurizi b'engiri y'aheeru babara abantu abaija omu ruteerane omu saabiiti mukaaga. Mwareeba? Kwonka itwe-itwe tubara omubaro gw'abo abariho eryo izooba, obwo bunaku bumwe. N'ahabw'ekyo obumwe n'obumwe tihabaho omwanya gw'okubashutamisamu, nimumanya, tufa kubata omu kishaayi.

N'ahabw'ekyo tutooranamu obwire obutari bw'enjura kandi enjura nyamwingi. Reero abantu abo enshoberwa bashutama aheeru okwo . . . Ndareebire abakazi nibashutama aheeru okwo n'eishokyre ryabo nirireereeta, abantu abajwaire gye, kwonka bafa-bafa kushutama omuri egoye njura eizooba ryona. Bafa kushutama aho, kunu enjura eriyo neeyeshuka, kandi neehinda, n'emirabyo neetyankana, n'eihunga niriteera, kwonka bo nibagwererana beegamiraine nka batyo, bashutami aho aho, bategyereza okuhitsya obu oraije okabashabira. Mwareeba? Hati, nimumanya Ruhanga aha ekitiinisa okwikiriza nk'okwo. Akikora.

6 Nooteekwa kugira eki waakora kugira ngu Ruhanga akihe ekitiinisa. Nooreeba? Noomworeka. Abantu abarikuheebwa buri kimwe omu buryo obwanguhi munonga, tibakira ku . . . Ti-tikiine eki kirikubagasira, mwareeba. Nooteekwa ku . . . Ekiconco n'ekya busha, ago n'amazima, kwonka nooteekwa-nooteekwa ku . . .

Nikishusha nka, noomanya, nk'oku bagira ngu, "Ku oraabe waazaariirwe omu itungo," ekyo murakihuriireho, "tokaasiima." Kwonka kyawkwetaagisa kukora ngu okitungye, noosiima munonga omugasho gwakyo.

7 Hati imwe bantu 'mwe abari aha rutambi rw'amaraka omunda okwo, nkaayenzire ngu-ngu . . . nintekateeka hati . . .

Akasheeshe aka, obutumwa akasheeshe aka bubaire, ahariinye, Obutumwa oburukukirayo obukuru omu buheereza bwangye bwona; akasheeshe aka, mwareeba, Obutumwa oburukukirayo obukuru omu buheereza bwangye bwona. Eizooba rimwe ndyabagambira oku naabutungire. Kandi nimmanya ngu buri kimwe kikakora okumara ameezi n'améezi n'améezi, okuhika ahari obwo Butumwa bumwe, kwizira kimwe kuhika ahari ogwo mwanya. Obwo nibwo bubaire obwire oburukukirayo obukuru bwabwo, mwareeba. Kandi n'e . . .

8 Hati nimpamya, nari nyine amatsiko, ngu mwayetegyereize eki Akamanyiso kabaire nikamanyisa. Mwareeba? Akamanyiso n'akabonero k'okworeka ngu Eshagama eteirweho. Ngu, omuhendo ogushabirwe, ogu Ruhanga arikwenda gushashwirwe, Yesu akashashura ogwo muhendo ahabw'okusheesha Eshagama Ye. Ekyo Akakikora. Reero, okuruga omu magara Ge hakarugamu Omwoyo Orikwera. Kandi Eshagama yaakuteebwaho, Omwoyo Orikwera n'Akamanyiso ngu omuhendo gwawe gushashwirwe; Ruhanga yaaherize kukwakiira, kandi ako niko Kamanyiso. Mwijukye, ako niko Kamanyiso. Hati, hariho abantu baingi abatari, ti-tibarikumanya eki Akamanyiso kari, mwareeba. N'ahabw'ekyo nooteekwa kukikora omu buryo orikushusha oti tihariho orikukimanya, mwareeba, kugira ngu buri omwe akyetegyereze.

9 Nk'okubuurira okujunwa, nituteekwa kubuurira okujunwa omu buryo bw'okugira ngu buri omwe, n'okwa buri omwe, eki, nitumanya ngu tikwa buri omwe. Nituteekwa kubuurira okutamba kwa Ruhanga ahari buri omwe, kwonka nitumanya ngu tikwa buri omwe. Mwareeba? Yesu akaija kujuna abo abaabaire bari omu Kitabo Ky'Obucunguzi omusingye gw'ensi gutakatairweho. Akaija kujuna abo bonka. Ni baahi, tindikumanya. Mwareeba? Kwonka, iwe . . . Tihariho orikubaasa kugira okwikiriza kureka waagira ngu n'okwa buri omwe; kandi nikwo kiri, tihariho orikubaasa kwija kureka Ruhanga yaabeeta. Ekyo n'amazima. N'ahabw'ekyo hariho abantu baingi abatarijunwa. Ekyo nitukimanya. Bo, mpaho, ekyo Ruhanga akakimanya ensi etakabaireho, ngu tibarijunwa.

10 Hariho baingi abataritambirwa, mwareeba, baingi tibaritambirwa. Tibarikubaasa, tibarikubaasa kukyetegyereza. Tibarikumanya eki kiri. Baingi nibajia kutambirwa. Kwonka nitukibuurira ngu n'okwa buri omwe, ahabw'okuba titurikumanya ogwo muntu; titurikumanya buzima. Kwonka ogwo n'omuntu weena orikwenda, kwonka abantu bamwe tibarikubaasa kutunga okwo kwikiriza.

Hati, kandi ekintu nikyo kimwe n'aka Kamanyiso. Akamanyiso, tugambire aha Kamanyiso obwire bwona, kwonka hati n'obwire bw'okworeka Akamanyiso. Mwareeba?

11 Hati, obumwe n'obumwe tukiikiriize. Abaluteeri bakakiikiriza kuhika aha, "Kwakiira Ekigambo; Kwakiira Kristo nk'Omujuni waabo." Abametsodisiti baagira bat, "Waashemererwa munonga okuhitsya obu oraateere akaari, Waakatunga." Abapentekoote bagira bat, "Gamba omu ndimi, obwo Waakatunga." Kwonka nitushanga ngu ebyo byona bigwire. Mwareeba?

Akamanyiso n'Akamanyiso. Niiwe na Kristo nk'abantu abari hamwe. Mwareeba? N'Omwoyo Orikwera, Amagara Ge omuriwi, nigakorera omuriwi Amagara Ge-Ge gonyini. Kandi n'ak'abatungi, abooro, nari omuntu weena orikwija Kukaakiira. Hati oijukye, Akamanyiso n'ekintu eki . . .

12 Za omu kitongore ky'egaari y'omwika kandi ogure etikiti y'orugyendo. Hariho omuhendo, eky'okushashura. Eky'okureeberaho ez'okushashura kugira ngu ogyendere omu-omu baasi egi-egi, nari egaari y'omwika, okuruga hanu ku-kuhika Charlestown, Indiana, ni sente makumi ataano. Mpaho, hati, ekitongore ekyo nikitalo tikit kugira ngu . . . Mwareeba? Hati, eky'orikukora, nooshuma reero hagira owaashashurira orugyendo rwawe, sente makumi ataano. Nibakuha akamanyiso akarikukuha orusa aha gaari y'omwika egypt okuhika ei orikuza, ei egypt gaari y'omwika eraaze. Mwareeba? Nikakuha . . . Ako n'akamanyiso.

13 Hati, omuri eki, eshagama ekaba eri akamanyiso. Yo yonyini, ekaba neeteekwa kuteebwaho, ahabw'okuba bikaba biri ebikozire egypt shagama byonka ebi baabaire baine, ahabw'okuba ekaba eri eshagama y'omwana gw'entaama, enyamaishwa, eshagama y'omwana gw'entaama. N'ahabw'ekyo amagara agaabaire gari omu shagama, amagara agaabaire garugiremu, n'ahabw'ekyo eshagama ekaba esheesheka. Mwareeba? Amagara gakaba garugamu, kwonka gakaba gatabaasa kugaruka aha mwikiriza, ahabw'okuba n'enyamaishwa. Kureka ekaba neemanyisa omutima ogutarikweshinja kwonka, ngu hakaba hariho Ogwo owaabaire naayenda kwija, ekitambo Ekihikiriire.

Kandi, Okukihindura ekihikiriire, Omuramuzi we wenka, Ruhanga w'Eiguru, akahinduka Ekitambo; Omuramuzi, Abarikuhwera omu kucwamu orubanja, kandi Omutonganirizi. Mwareeba? Akahinduka Ekitambo. Reero Amagara Ge ku gaarugiremu, niwe Ruhanga . . . Kandi ekigambo aho, ei kirikuruga, "Kandi Nimbaha Amagara Agatahwaho." Hati, omu Rugriika . . . Nimmanya ngu ningambira abeegi abakugu. Nindeeba babiri nari bashatu. Mwareeba? Kandi ni . . . Kandi ekigambo ekyo omu Rugriika aho, ni Zoe. Z-o-e, omu Rugriika, ekitikumanyisa, "Amagara ga Ruhanga." "Kandi Ndyamuha Zoe, Amagara Gangye." Kristo na Ruhanga bakaba bari Omwe.

14 N'ahabw'ekyo, Amagara agaabaire gari omuri Kristo n'Omwoyo Orikwera, ti Muperesona wa kashatu; kureka Omuntu ogwo omwe, omu muringo gw'Omwoyo Orikwera, arikwija ahariwi, nk'Akamanyiso ngu amagara gaawe n'orugyendo rwawe bishashuriirwe, oikiriziibwe. Akamanyiso ako katakaijire, torikwikirizibwa kuza omu muhanda rugyendwa, torikwikirizibwa kuza omu . . . kaguuto ka-ka baasi; torikwikirizibwa kuzamu okuhitsya obu oraayorekye Akamanyiso ako, kandi ako Kamanyiso nizo sente z'oshashuriire orugyendo rwawe. Kandi hati

Nikooreka ngu Eshagama ekasheesheka kandi yaakuteebwaho, omuhendo gukushashuriirwe, kandi oine Akamanyiso ngu Eshagama ekuteirweho kandi waayakiirwa. Mwakitunga hati? [Abateeraine baagira bat, "Amiina." -Omur.] Oo, mugyenza! Oo!

15 Hati-hati, tihariho ekirikuhamya nanka. Mwareeba? Noogira oti, "Ow'eishe-emwe Branham," ninkihurira omu biteekateeko byanyu, mwareeba, "ninkimanya nta?"

Reeba, okaba ori ki, kandi ori ki hati? Aho niho orikukimanyira. Mwareeba? Okaba ori ki Akamanyiso aka katateirweho? Ori ki Kaaheza kuteebwaho? Ebyetengo byawe bikaba biri biiha okubanza, kandi ebyetengo byawe ni biiha ahanyima? N'ahabw'ekyo noomanya yaaba Akamanyiso kateirweho nari katateirweho. Kandi ebintu ebi ebindi nibigenda n'Ekyo hatariho kuzibirwa. Mwareeba?

16 Ti-tikiri nk'okukigambaho, reero okagira oti, "Endimi niko kamanyiso." Hati, ninza kutwara, kugura enkaito, orurimi ti nkaito. Nirwija n'enkaito, mwareeba. Nirwija n'enkaito. Mwareeba? Hati, ekintu nikyo kimwe n'Akamanyiso. Akamanyiso ni Kristo. Kwonka okugamba omu ndimi, n'okubinga baadaimoni, n'okukora ebintu ebyo, n'okubuurira, n'ebindi, n'ebirkworeka ngu Kariho, n'amazima, kwonka Ti-Tiko. Mwareeba, n'ekiconco Kyako. Ku naakubagambira ngu . . .

Noogira oti, "Ni-ninkwenda, Ow'eishe-emwe Branham," haza nyiheyo ekiconco nkikuhe, mwareeba. Mpaho, ogwo tiinye, ekyo n'ekiconco kyangye.

Endimi n'ekiconco ky'Omwoyo Orikwera, ti Mwoyo Orikwera; ekiconco ky'Omwoyo Orikwera.

17 Kandi sitaane naabaasa kutooreza ebintu ebyo byona, kwonka tarikubaasa kuba Omwoyo Orikwera. Mwareeba? Naabaasa kutooreza ebiconco ebi, kwonka tarikubaasa kuba Omwoyo Orikwera.

Kandi Omwoyo Orikwera niwe Kamanyiso kworeka ngu Eshagama etairweho, ahawb'okuba Naakuratira Eshagama okurugira kimwe omu Kitabo Ky'obucunguzi. Mwakireeba? Ekyo nikyo kyabaire kiri ekigyendererwa ky'okwija Kwe. Ekyo nikyo Yaakuratiriire omuri buri busingye. Buri busingye Akakuratira ekyo, kuhamya ngu Yaahikiiriza, kandi bakaba batarikubaasa kuhikiirizibwa tutariho. Kandi hati Omwoyo Orikwera weena naataayaayira Ekanisa, naakora Ruhanga omu mubiri gw'omuntu; nk'oku yaakozire atakagiire Sodoma, okwotsya okwo, ekyabaire kiri ekirikushushanisa. Bwanyima, Abrahamu, Akamweyoreka.

Kandi ebintu ebi byona ebi Atarakozire omu busingye bwona, omu busingye bw'ekanisa, hati ariyo Naabikora. Garuka aha Kigambo, ahawb'okuba obutumwa n'obutumwa, n'obutumwa nibuteekwa kuhenderera omu Kigambo kyona. Kandi omu biro by'aha muheru, Obumanyiso Mushanju bushuurwirwe, bukaba buri obw'okwihayo ebyatsigaireyo okwo bishobire, kandi akakora ekyo kintu kyona omubiri gumwe muhango gw'Omugore, ngu abo abaatwireho enyima okwo bakaba batahikiire okuhitsya obu Ekanisa egi eraahikiirizibwe, ekibiina ky'Omugore omu biro by'aha muheru kubataasyamu, reero boona hamwe batwarwe omu iguru. Mwareeba?

18 Akamanyiso, Yesu Kristo, Omwoyo Orikwera, ari rwagati yaitu. Ekyo tushemereire kukiha ekitiinisa. Ti-ti-tititeturikubaasa kwecureeza ekirikugasha. Kujuura enkaito zaawe, nari kutsimba amaju gaawe, tikikaakiihaho; tikikaakikaigasha, tikikaatumara; kureka amagara agarikwana ebyana by'Omwoyo!

Hati ebyana by'Omwoyo niki? Mwareeba? Rukundo, okushemererwa, obusingye.

Nimwijuka akasheeshe aka? Okutebeekanisa, akoohereza entumwa eine Obutumwa. Ekindi kintu eki Yaakozire, ahanyima y'okwohereza entumwa eine Obutumwa, Akoohereza Enyomyo y'Omuriro kuhamya. Ekindi kintu kikaba kiri, ahanyima y'ekyo, kikaba kiri eki- . . . nimmanisa okuhuumuriza. Mwareeba? Okamanya ngu ekintu ekyo kihikire, waagira obusingye. Twine obusingye ahari Ruhanga, okurabira omuri Mukama Yesu Kristo. Mwareeba?

19 Hati ekiro eki nituza kushabira abarwaire, kandi nintekateeka ngu baine okusembera. Ni-nimuza kugiraho okubatiza, omukoro gw'okubatiza? [Ow'eishe-emwe Neville yaagira ati, "Ngaaha." -Omur.] Okusembera kwonka, okusembera. Kand nitwenda ngu mugume hanu ahawb'okusembera.

Kandi omu-omu dakiika makumi ashatu na itaano nari makumi ana nitwenda kuba twaherize kandi tweteekateekire okusembera. Mbwenu hati, nyecakare n'obwire bw'Ekiro ky'Abakozi, n'ahabw'ekyo nimubaasa kuba nk'abaahuumuraho. Hati, ngizire nti ekyo nikyo kibaire kiri ekigyendererwa kyaitu, nimureeba. Titurikumanya ni bunaku ki. Niinyenda ngu ekyo nkitereeze.

20 Hati, akasheeshe aka naabagambira, ahawb'okutaba naimwe, ni-nintekateeka ngu twatungireho obundi Butumwa obumazire eshaaha ibiri nari ishatu akasheeshe aka. Kwonka-kwonka na-naatandikire, kandi naateekateeka ngu ninza kubugumizamu ekiro eki, kwonka bubaire burungi munonga. Tindikumanya yaaba abantu babwetegyereize nari ngaaha. Niinyesiga ngu baabwetegyereize, hoonahoona. Kandi niinyesiga ngu haabaho entambi z'amaraka nungi zaabwo, kugira ngu bubaase kujanjaara, bumanywe, ekyo niinyikiriza ngu, omu Butumwa bwona obu ndareetsire, obwa kamara byona obwo burugire ahari Ruhanga buzima, aheeru ya . . . Buzima, okutumwa kwa burijo, nk'Obumanyiso Mushanju n'ebindi, buzima ekyo kibaire kiri Ekigambo kya

Ruhanga. Ningamba aha Butumwa bw'okubuurira; niinyikiriza ngu obwo nibwo bwonyini, mwareeba, buri-buri, obwo oburikwetengwa kukuratira obwo Bumanyiso Mushanju.

21 Hati mwetegyereze ekyakuratsire Obumanyiso Mushanju: okwegaita kw'abantu, okwegaita kw'obumanyiso, okumurika kw'ebitaara ebirikutukura omu biro by'aha muheru, akamanyiso k'abakazi abarikwetyongyera kuba barungi, n'abashaija, eki barikora. Obumanyiso obu bwona bw'Omwoyo Orikwera eki burikutworeka, reero okugarukira kimwe hanu aha mbugiro y'obwo Butumwa bwona kwiha aha Bumanyiso Mushanju. Nibubugira omu kintu kimwe eki, Akamanyiso, ngu turi kurungi, mwareeba, tweshwijume kandi tureebe ku turaabe turi omu Kwikiriza.

22 Hati, Mukama abahe omugisha. Kandi hati tutaka-tutakabiikwire Baiburi, kushabira abarwaire . . . Tubuuriize akasheeshe aka, nibangahi abaashabiirwe Sande echingwire nyekiro, aba-aba-abaakizire, abaaherize kukira saabiiti egi, kandi haihi buri omwe hanu yaimukize omukono gwe, ekyo kikabaho mu ruteerano rwa Sande echingwire nyekiro. Hati, n'ekintu, nimwetegyereza. N'ekintu eki . . . Ni, eki ninkikwata ahabwangye.

23 Hakaba hariho omwojo muto, owaagambiirwe, akaruga Chicago, Omuky. mukye . . . Ogwo mukazi ari, Peckinpaugh, Peck- . . . Muky. Peckinpaugh okuruga-okuruga . . . N'ow'eishe-emwekazi Omukristaaoy murungi munonga. Kandi akareeta omuntu, o-omwana muto, oku ndikukimanya, omwojo muto nari ekindi kintu, eki-eki e . . . abashaho nabo bakaba batarikumanya endwara ye. Ebihaha bye bikaba bisiisikaire munonga, nari ekindi kintu, kandi-kandi tibaabaasa kugira eki baakora . . . tibaabaasa kumuta omu ishomero nari ekindi kintu. Akaba ari kubi, kubi munonga. Reero yaagamba, Omwoyo Orikwera ahanyima y'Obutumwa, yaagamba n'omwojo muto ogwo, kandi yaamweta, yaamugambira embeera ze n'ebindi, reero yaamugambira ngu yaakira.

Kandi saabiiti egi yaagyenzire, nyina nari abazaire be, nari ou abaire ari weena, yaamugarura ow'omushaho, kandi omushaho yaamugambira ngu aine ebihaha bisya, mwareeba, ebihaha bisya. Kandi oku ndikukyetegyereza, ngu-ngu abazaire be nari ondijo muntu yaateire esimu ari hare, nari omu muringo nanka, kumanyisa ekanisa. Mwareeba? Hati, Ruhanga, Omuhangi, naabaasa kuhanga ebihaha bisya.

24 Ni-niinyikiriza buzima ngu turi ha-haihi munonga kuhika omu bintu ebirikukirayo obukuru ebirabaireho omu nsi okwiha omu biro bya Mukama Yesu. Mwareeba? Mwareeba? Kwonka hati nitubaasa kumanywa kwonka nka . . . Nikija kwanguha munonga. Mwareeba? Mwareeba, eki omuntu ayeta kikuru munonga, Ruhanga akyeta "Ekirikunugwa." Kwonka eki omuntu ayeta obushemba, Ruhanga akyeta "ekikuru munonga." Mwareeba? N'ahabw'ekyo hati mukyetegyereza, mwareeba, nikija kwanguha munonga okuhitsya obu kitarikurabaho . . . obu kirikurabaho ku oraabe otainemu Akamanyiso k'okukishwijuma, nooreeba. Mwareeba?

25 N'oha owaakuteekateekire ngu ebibungo bikateera kyamubambaigwa nk'empaya nto z'entaama, n'amababi gakateera omu ngaro zaago, obu nabi yaarugayo omu ihamba; owaagambilwe Isaaya, emyaka magana . . . nari magana mushanju na ikumi na ibiri kitakabaireho. N'obureju bwijwire aha maisho ge, hamwe n'oruhu rw'entaama, ataine nangwa n'ekituuti ky'okubuiramu, abingirwe omu makanisa goona, kandi ayemereire aha nkungu y'omugyera gwa Yorudaani, naagambira ahaiguru ati, "Mweteise!" Kandi abantu yaabeta ekibiina "ky'encwera," enjoka. Kwonka ekyo nikyo Ruhanga yaagambire, ngu ku Ariija, "ebibungo biryateera kyamubambaigwa n'empaya nto z'entaama . . ." Mwareeba? Abacureezi bakakireeba kandi baashemererwa.

Bakaabaasize bata kwetegyereza ngu . . . Mesia ogwo omukuru, owaaragwirwe okuruga omu kutandika kw'ekyo Kitabo, ky'Okutandika, ngu Aryaija, Omujuni? Ebitambo byona, na baanabi boona, na buri kimwe Niwe kyabaire nikigambaho. Reero bwanyima ku Yaizire, baamutwaramu kuba ekinyandaaro; ishe owaabaire nangwa atakataahize Nyina, oku baabaire nibateekateeka. Mwareeba? Reero ogwo mukazi yaareebwa aine enda y'omwana atakamutaahize. Kandi yaija atyo, kandi yaazaarirwa omu-omu . . . kakye. Mpaho, nikigira ngu ekihongore, omuri Baiburi. Kwonka ekihongore omu biro ebyo ekaba eri enyanga enyima omu-enyima omu kisiika. Nkahika aha mwanya nk'ogwo aheeru okwo omuri Arizona rimwe, ndiyo nimpia. Hakaba hariyo ekihongore enyima ahansi y'enkiri ezitungikiraine. Kandi okwo nikwo Yesu yaazarirwe, enyima okwo omu kihongore kikye ekiri aha kirundo ky'obunyaatsi bw'ente n'obunyaatsi buto, omu nju y'ente, mwareeba, ei amatungo gaabaire gari.

26 Kandi yaakura nk'omuhwezi w'omubaizi, mbwenu Ogwo akaabaasize ata kuba Yehova omukuru? Kwonka akaba ariwe, mwareeba. Nikwo yaabaire ari. Mwareeba? Akaba ari Omuntu w'omutaano munonga. Kwonka, oo, ku Yaabaire ari omwojo muto, Akatangaaza munonga abanyamurwa ahabw'okumanya Ekigambo ekyo. Ahabw'enki? Akaba ari Kigambo. Mwareeba? Akaba ari Kigambo.

Tarahandiikire ekitabo kyona. Tarahandiikire e-Tarahandiikire ekigambo kyona. Ekigambo kyonka eki Yaahandiikire, ninteebereza, Akakisiimuura, omu-omu musheenyi, obu omukazi yaakwatirwa omu bushambani. Tarahandiikire ekigambo kyona. Ahabw'enki? Akaba ari Kigambo. Mwareeba? Akaba ari Kigambo. Akaba atarikwetaagisibwa Kukihandiika; Amagara Ge Gakakituura. Akaba ari Kigambo. Ku araabe . . . "Ku Ndaabe ntakora mirimo ya Tata, murekye Kuunyikiriza." Mwareeba? "Ku Ndaabe ntakozire ekyo kyonyini eki Ekigambo kyagambire ngu Ndyakora, obwo Tindi Kigambo. Kwonka ku . . ." Ekyo nikyo Yaamanyiise. Niwe Kigambo.

27 N'ahabw'ekyo hati mwetebeekanise aha-ababwa saaviisi y'okutambirwa eraakurateho n'okwirira aha meeza ya Mukama. Tukaashemererwa ku mwakuguma naitwe mwaba nimubaasa. Ku muraabe mutarikubaasa, nitwija kubasiibuura ahonaaho.

Kandi muteebwa, munshabire kandi mushabire n'omukyara wangye, omukyara orikukirayo kuba omukundwa omu nsi yoona, hamwe-hamwe n'abaana bangye. Kandi hati naabeegaruriize, buri omwe, ahabwa Mukama Yesu.

28 Hati, Becky ari omu myaka ya "kazaanirizi," nimumanya, hamwe "n'orunyeeto-nyeeto" rukye, nk'oku twabaire tukyeta. Mbwenu ari omuri egyo myaka. Kwonka, hati, n'omwishiki murungi munonga, kandi ni-ninsiima Ruhanga ahabw'ekyo; tarikureetsa, tarikunywa amaarwa, tari kizengyerezi, n'ebindi nk'ebyo. Kwonka ari omu myaka egyo, ta-taine eky'okumuteganisa. Tarikwenda kuza aha kanisa, kandi, ku arikuzayo, naashutama enyima kuri reero atandika kufutana switi gaama, aimuka kandi ashohora aheeru. Ekyo, mwareeba. Niinyenda kumureeba aijwire Omwoyo Orikwnera.

Niinyenda kureeba Joseph, niinyenda ogwo mwojo . . . niinyikiriza ngu eizooba rimwe ku ndiba ntakibaasa kutambura nkaza aha kituuti bundi, niinyenda kukwata Baiburi egi ekuzire y'obucancabari reero ngimukwatse, ngire nti, "Joseph, guma Nayo, mutabani." Obwo ndyaba nyeteekateekire kutemba kuza ahaiguru. Niinyenda kuhurira omuyaga niguhuuha ahantu nanka, ndeebe ahaiguru, mpuube omukono gwangye, nyegyendere.

Ka tushabe.

29 Tata Ruhanga, amagara gaitu goona gaboeirwe omuri Ekyo, ahakuba Ekyo Niiwe, kandi Niiwe Magara gaitu. Hati hanu hariho bamwe, Mukama, a-abaine aka Kamanyiso aku ngambireho. Bakatunga aka Kamanyiso, kwonka barware. Mbwenu niinyenda kugamba ekiro eki kugira ngu mbeezirkise, ku-kubeezirkisa kutwara obwo bugabe obu baahairwe Ruhanga. Baine obugabe bw'okusingura sitaane ogwo. Akaheza kusingurwa, kureka naabakanga kwonka. Nimbeegarurira, Taata.

Hati mpwera kugamba Ekigambo. Gamba orikurabira omuriinye, Mukama, n'ebihandiiko bikye ebi ebi mpandiikire hanu, n'Ebyahandiikirwe bikye ebihandiikirwe. Ninkushaba onyambe, Mukama, kandi otaahe omu Kigambo kandi obahe okwikiriza ahabw'ekitiinisa kya Ruhanga. Omu Iziina rya Yesu naashaba. Amiina.

30 Hati jubajuba, niinyenda ngu mubiikuure omuri Baiburi omu Kitabo kya Yeremia kandi eshuura ya 29, ku muraabe nimwenda kushoma. Nari, ku muraabe mutashomireyo, mukihandiikye. Yeremia, eshuura ya 29. Kandi nituza kutandika n'omushororongo gwa 10 gw'ekitabo kya Yeremia, omushororongo gwa 10 ogw'eshuura ya 29. Ekindi, nituza kushoma omu kitabo kya Luka, eshuura ya 16, okutandika n'omushororongo gwa 14.

31 Hati naaza kubaha eishomo ryangye, obwo muriyo-muriyo-muriyo nimubiikuura. Eishomo ryangye ekiro eki ni Okusherura N'Omumtima Gwona. Kandi ni . . . Okusherura n'omutima gwona, kandi, hati, nimumanya amakuru g'okusherura n'omutima gwona.

Kandi hati twaza kushoma omu kitabo kya Yeremia eshuura ya 29, omushororongo gwa 10.

Kureka oku nikwo MUKAMA arikugamba naagira ati: Emyaka makumi mushanju eyaahanwirwe ahari Babulooni ku erihwa, ndyabataayaayira, mpikiirize eki naabaraganisi, mbagarure omu mwanya ogu.

Ahakuba nimmyanya ebi ndikubateekyera . . . (Ekyo ti kirungi?) eby'oburungi, bitari by'obubi, ngu mbone kubatamu amatsiko g'ebiribabaho bwanyima; nikwo MUKAMA arikugira.

Obwo nibwo murintakira, mukaija mukanshaba, naanye nkabahurira.

Muryansherura, mumbone, ku murinsherura n'omutima gwanyu gwona.

Buzimazima muryambona, kandi ndyabaiha omu bukwatwa, mbataaruure omu . . . mahanga goona n'omu myanya yoona, ei naababingiiremu, . . . mbagarure omu mwanya ogu-ogu naabaihiremu nimbatwara omu bukwatwa; nikwo MUKAMA arikugira. Garuka ahari pentekoote!

Ekyo naakitamu, nyowe nyenka. Tikirikugamba kityo. Ekyo n'eki naaba nimmanyisa aha Kanisa.

Luka 16, kutandikira aha mushororongo gwa 15, nari omushororongo gwa 16.

Ebiragiro na Baanabi bikaba biriho okuhitsya omu biro bya Yohaana; okuruga obwo enkuru nungi ey'obukama bwa Ruhanga ebuurirwa, kandi omuntu weena abutaahamu n'amaani.

"Omuntu weena Abutaahamu n'amaani." Tikufa Kubutaahamu, omu buryo obwanguhi, kureka n'Obw'okutaahamu n'amaani. Mwareeba? Hati, "Ku Murinsherura n'omutima gwanyu gwona, obwo Muryambona."

32 Kandi Akaraganisa ngu Aryagaruka kandi areete abantu, abaihe ei baataataaniire omu nsi yoona, ahanyima y'egyo myaka makumi mushanju, abagarure omuri Yerusaalemu ei baarugire; kandi okwo nikwo Yaakozire. Ekyo kihikire.

33 Hati twaza kugamba ahari-ahari Okusherura N'Omumtima Gwona omu dakiika nkye hati. Obutoosha, kyetaagisa embeera y'akabi, kugira ngu tusherure n'omutima gwona. Mwareeba? Ni kibi munonga kwetaagisa ekyo, kwonka abantu n'abeeremwa munonga omu biteekateeko byabo, kushanga ngu nikyetaagisa embeera y'akabi. Ekintu

nikibaho, kandi ku barikukikora, obwo ki-kibata omu mbeera y'okusherura n'omutima gwona. Kandi buzima, omu kukora ekyo n'omutima gwona, kyoreka ekyo kyonyini eki ori. Nikyoreka eki ori, omu bwire bw'okusherura n'omutima gwona. Obutoosha kiihay ebantu byona ebirungi ebikurimu.

34 Omu bwire bw'okufa, mpuriire abantu baaheza kumanya ngu baaza kufa, ebantu ebi baabaire bakiire nk'enaama ebiro by'amagara gaabo goona, bo, omu kusherura n'omutima gwona, bakaba nibagyezaho kubyatura. Mwareeba? Kandi nibagyezaho bati, "Twara eki kandi okigorore; irooko, naakweshengyereza; irooko, kikore," mwareeba, omu kusherura n'omutima gwona. Ekyo bashemereire kuba baakikozire kareho, mwareeba, kutari okutegyereza bakahika omu bwire bw'akabi. "Noobaasa kunkorera kiri na kiri?" Obwire bw'akabi bureeta okusherura n'omutima gwona. Kunu, tushemereire kukikora obwire bw'akabi butakahikire.

35 Hati nitureeba, ekiro eki, ngu nitutwara ebirkushushanisa by'Okuhingurwaho. Kandi Okuhingurwaho bakaba bakurya omu bwire bw'akabi, omu bwire bw'okusherura n'omutima gwona. Nooreeba omu-omu kitabo ky'Okuruga eshuura ya 12, n'omushororongo gwa 11 ogw'eshuura ya 12, niinyikiriza ngu niho, nihagira hati, "Murye Okuhingurwaho oku mujwaire enkaito, mwezirikire omu manyanya, n'enkonzaanyu mujiine omu ngaro," mwareeba, noorya okuhingurwaho oku omu kwagirirwa.

36 Bakaba baareebire omukono gw'amaani gwa Ruhanga. Bakaba baareebire eby'amahano Bye byona, kandi bakaba baizire nibaraba ahansi y'akabonero k'Akamanyiso. Kandi ku baabaire bari ahansi y'akabonero k'Akamanyiso, baashembera omu-omu kusherura n'omutima gwona, ahakuba bakamanya obwire obwo ngu Ruhanga akaba ari haihi kureeta ekifubiro.

Kandi bukaba buri obwire bw'okutengyetsa. Bukaba buri obwire obu buri muntu yaabaire naayeshwijuma, ahabw'okuba Ekigambo kya nabi kikaba kitakaremwaga n'omurundi na gumwe. Kikaba kyaherize kuhamibwa ku gari amazima. Kyona eki yaabaire agamba, kikaba kibaho buzima nk'oku yaabaire akigamba. Enyomyo y'Omuriro ekaba ekiraho. Kandi, ekindi, nabi akaba yaarangire ngu Ruhanga akaba naaza kuhinguraho yaaheza kureeba akamanyiso aha muryango. Kandi kukaba kuri okwagirirwa.

37 Nintekateeka ngu abaana bakaba . . . ku baareebire ago mapapa mahango agarikwiragura, nigashuuma ahansi okuruga omu kaabunga nk'omwika ogwijwire ahaiguru y'orurembo, eborooogo neeruga omuri buri ka, abaana nibabaasa kuba baagiire ahari ishebo reero bakagira bati, "Taata, nookihamya ngu turi ahansi y'ako kamanyiso?"

Kandi akaba naabaasa kuza aha muryango, areeba ekiti ky'omuryango, ekisaasi, agira ati, "Mwana wangye, ekyo kiri nk'oku Ekigambo Kye kigambire."

"Ijuka, ndy'omujigaijo gwawe. Taata, noohamiza kimwe?"

"Nimpamiza kimwe! Ekyo kiri nk'oku nabi atugambiire, kandi aine Ekigambo kya Mukama. Yaagizire ati, 'Ku ndireeba eshagama, ndyabahinguraho. Mutware omwana gw'entaama buri ka.' Abaana mwena mbataahizemu. Niiwe mwana wangye omukuru, kandi omujigaijo gwangye. Nibo abo abarikufa aheeru okwo hoona; kwonka eshagama ngiriya. Ekyo nikyo OKU NIKWO MUKAMA ARIKUGIRA ebaire neegamba. N'ahabw'ekyo humura, mwana wangye, tebeekana, ahabw'okuba Ruhanga akaraganisa. Mwareeba?"

"Kwonka shi, Taata, ahabw'enki ojwaire enkaito zaawe? Ahabw'enki okwatsire enkoni omu mukono gwawe? Ahabw'enki okwatsire omugaati omu ngaro zimwe n'omwana gw'entaama omu zindi ngaro? Ahabw'enki oine emboga ezirkushaariira n'ebindi? Ahabw'enki noobiry? Ahabw'enki egoy tuutu neetemba aha buso bwawe?"

"Mwana wangye, rufu eri haihi kuteera." Mwareeba, bukaba buri obwire bw'okusherura n'omutima gwona

38 Hati, niinyikiriza ngu tutwire omu biro by'aha muheru ebi tu . . . Nari, ekindi, ebiro ebitutwiremu bushemereire kutuma Ekanisa yaagiira kimwe omu kusherura n'omutima gwona. Niinyikiriza, okuruga aha butumwa bw'aka kasheeshe oburugire ahari Ruhanga, atariinye, niinyikiriza ngu bushemereire kutuma abateeraniire hanu boona baatandika kusherura n'omutima gwona, ngu tuzaine munonga ekirikumara. Tugire aha kanisa munonga ekirikumara. Nituteekwa kugira eki twakora.

Nitubaasa tuta kureeba obundi bumanyiso bukuru n'eby'okutangaaza nibikorerwa abandi, kwonka shi itwe? Kishemereire kureetaho embeera y'okusherura n'omutima gwona, ngu tuhamize, omu maisho ga Ruhanga. Obumanyiso bw'Okwija Kwe bushemereire kutuma abateeraniire aha boona, ku turikuheza kukishoma omu Kigambo . . . Kandi Omwoyo Orikwera atugambiire ati, "Za omu mwanya nanka, ekintu nanka-na-nanka nikiza kubaho," atatugambiire eki kiri, kwonka kikabaho. Twazayo, kikabaho kityo. Empapura z'amakuru zikakihandiikaho, obutabo bw'amakuru bwakihandiikaho, nibworeka ekishushani kyakyo. Kugaruka hanu n'okureeba ezo naama nkuru, ezaasherekirwe omuri Baiburi, zikatubambuurira, ekintu kisya eki twabaire tutakamanya, kandi nikitaahira kimwe omu Kwija kwa Mukama Yesu.

39 Reero, aha muheru gw'Obutumwa, kureeba omurimo gw'Omwoyo Orikwera omukuru, Kumureeba naashuuma ahansi naareebwa abantu, nangwa akateerwa n'ekishushani. Kumureeba naakora kandi akooreka ngu tari muntu, ti mubuurizi kwonka, ti kibiina ky'abantu nanka. N'Omwoyo Orikwera orikworeka ekintu nikyo kimwe eki Yaakozire obu Yaabaire ari omu mubiri gwa Yesu Kristo. Hati Ari omu Mubiri gw'Omugore We. Kishemereire

kututa omu kusherura n'omutima gwona.

40 Abantu abo bakaba baareebire omukono gwa Ruhanga. Kandi ekyo kiro ky'okwirira aha meeza, bakakurya n'o . . . omu kusherura n'omutima gwona, ahabw'okuba bakaba nibamanya ngu hakaba hariho ekintu ekyabaire nokyenda kubaho juba. Kandi nitumanya ngu hariho ekintu ekirikwenda kubaho juba. Kandi oijukye, Okwija kwa Mukama nikwija kuba okutwarwa kw'ahonaaho, bwesherekere. Aryaija Amutware nk'omushuma wa nyekiro. Kandi okuteekateeka ngu omuntu ku, ahonaaho, bamwe ab'omu maka gaitu kushanga bagyenzire, haza iwe otsigaire! Kishemereire kutuma twasherura n'omutima gwona, ngu, ahabw'embabazi za Ruhanga, tutaija kutsigara. "Ku haraabre hariho ekintu eki ntarikwenda . . . Ota, Mukama, otantsiga."

Ebiro bikye ebihingwire nkaba mpurikiize Mel Johnson naayeshongora ekyo kyeshongoro:

Nyijuka emiziga yaaba neeragara ahansi, eego,

Nyijuka abanywani baaba batariho;

Kandi ku ndiba ninyambuka ogu mugyera gwa Yorudaani,

Ku oriba nooyeta amaziina, onyijukye.

41 Kandi omu Kitabo ky'Omwanan gw'Entaama ky'Amagara, niinyenda ngu eiziina ryangye rihandiikwemu. Niinyenda ngu Anyijukye amaziina ku gariba nigeetwa. Kandi nikituma naasherura n'omutima gwona, ekyo ni, nk'oku Paulo yaagambire ati, "Ku ndiheza kubuurira Engiri nyowe ahabwangye nsha-nshangwe ndi emburabure, nshangwe ndi o-otarikwikirizibwa?" Nikibaasa kubaho. N'ahabw'ekyo nikinta omu mbeera y'okusherura n'omutima gwona, okusherura n'omutima gwona, kuteekateeka ahari, ahanyima y'egi myaka yoona y'okubuurira, nkaija-nkabaasa . . . mpikye ahantu ahu naakubaasa Kumureebya? Ekiraakurateho niki? N'enki eki nschemereire kukora bwanyima y'ekyo? Reero nikinta omu mbeera y'okwemereza omutima. Reero nkore ki? Nikiinaga omu nshozi n'omu mpanga. Kandi kigumire, ahabw'okuba, ku ndikuba ndi n'abantu, ninkekwa kuba ebintu byona aha bantu boona, kugira ngu mbaase kugira abu naareeta ahari Kristo, kwonka nabwo ako Kamanyiso kari omu maisho gangye obutwire bwona. Mwareeba?

42 Kandi nindeeba ebintu ebirikwija, kwonka torikubaasa kugambira abantu. Nooreeba ebintu ebitari bimwe, kwonka ozibirwa. Okworekwa okwo oku barikunteerera esimu, kandi obumwe n'obumwe bakaashaasha ku waakubagambira, kandi noomanya kurungi kutakikora. Reero otaahira kimwe omu kworekwa okuhitsya obu buri kimwe kirikuba okworekwa, kandi kikuta omu mbeera y'okwemereza omutima. No-nooreeba kandi ogira oti, "Hati ndi omu kworekwa?" Nk'okushutama hanu hanu, "Oku n'okworekwa? Hati nyemereire nkahi buzima?" Mwareeba, no-nookora oyemaramu amaani, oyemariramu kimwe. Kandi omanya ebintu by'omu magara g'abantu ebi otaakwenzire ngu omanye. Abantu abarikwetenga ebintu ebi, kumanya ebintu ebi, tibarikumanya omutwaro gw'obuheereza obu. Torikumanya ekirikugyenda nabwo. Reero kikuta omu kusherura n'omutima gwona, "Mukama Ruhanga, nimmanya ngu ndyabuuzibwa."

43 Jack Moore rimwe akangambira ati, "Tinkaayenzire ngu nyije kubuuzibwa nk'oku oribuuzibwa, aha Kiro ky'Orubanja." Ati, "Abantu aba Ruhanga abataire omu mikono yaawe, kandi noiija kubuuzibwa ahabwabo boona. Noija kubuuzibwa eby'obuheereza bwabwe." Ekyo akakigamba nk'emyaka ikumi na itaano ebingwire, nari obundi ikumi na munaana. Kandi okwiha obwo, ntwire ninsherura n'omutima gwona. Nkore ki?

"Ka ngambe eki Oraagambe kyonka, Mukama. Ka mbagambire Amazima, kitari kityo mpuname." Nikituma naakusherura n'omutima gwona.

44 Reero okureeba obumanyiso obu nibubaho, okureeba Omwoyo Orikwera naatutwara aheeru okwo, kandi akareeta Obumanyiso obu, kandi akabuta aho nka batyo. Akareeta Obusingye bw'Ekanisa kandi akabutamu, bwanyima akashuumma omu Nyomyo y'Omuriro mpango munonga enyima kuri, kandi-kandi Akeeshuuuru. Reero akashuumma aha kindi kintu, aha Bumanyiso Mushanju, kandi Akabushuuuru. Nangwa bakabuta omu mpapura z'amakuru n'omu butabo bw'amakuru. Reero akaijamu kandi akatwara baamaraika ba Ruhanga, baamaraika abo mushanju abaine Obutumwa mushanju, kandi akakihamiza kimwe n'eki Baiburi yaagambire. Reero, omu bwire obwo, akaija akareeta obwo Bumanyiso . . . obwo bumanyiso, okumurika kw'obwire bw'aha muheru, kandi kubireetera abantu n'okubagambira eki biri, na byona ebikikwatsireho, kandi Mukama arikukorera aho Arikweyoreka ku ariho. Reero, kwija kuhikira kimwe omu kasheeshe aka, arugyeyo kandi ayende buri omwe kugira ako Kamanyiso. Obwo, muri abantu bangye. Niimwe abu ndikukunda, aba hamwe n'abo abahurikiize aha ntambi z'amaraka, n'ebindi. Obwo nimureeba oku kirikutuma naasherura n'omutima gwona.

45 Okusherura n'omutima gwona. Obumanyiso bw'Okwija Kwe bushemereire kutuma buri memba wa Kristo yaasherura n'omutima gwe gwona hati, aha kikwatsire aha myoyo yaitu, ahari ebyo ebi-ebi-ebiritubaho omu busingye oburija. Mbwenu, nitwija kwihamu ki ku turaatungye ensi yoona? Turi ki, amagara twine ag'enki? Emirimo nookora ey'enki? Noorya ahabw'ekigyendererwa ki? Okuhanda bunaku kwave n'okw'enki? Kubaho. Oriho ohuriire ahabw'enki? Kufa. Kandi toshemerire kuba ohuriire waaba otashemerire kufa. N'amazima.

Kandi nitureeba eby'amahano bingi by'okutambirwa endwara, kishemereire kutuma twasherura n'omutima gwona.

46 Kuri ogwo mwojo muto . . . Ou ndikureeba hati ni Muky. Peckinpaugh? Ogu ni Muky. Peckinpaugh? Niwe obaire oine omwojo ogwo hanu, ogwo nari ondiijo? Mwamanya, hanu hariho omukazi ou mbaire ningambaho ashutami hanu hanu. Naanaga amaisho kuri naamureeba.

Hati Ruhanga ku araabe naabaasa kukikorera ekyo omwojo muto ogwo, kishemereire kutuma waasherura n'omutima gwona.

47 Omushaija okuruga New Albany, naabaasa kuba ari hanu ekiro eki. Ni munywani w'Ow'eishe-emwe Roberson mugyenzi wangye. Akaba aine omwojo muto hanu. Nintekateeka ngu omukazi we rimwe akaba aine ekookoro kwonka yaakira. Kandi-kandi hati, omwojo muto ogwo arwaire obuhiiima munonga okuhitsya obu ari omu mbeera mbi. Ogwo mwojo muto, we, haihi aine ekookoro aha mumiro gwe. Mwareeba? Reero yaareeta ogwo mwojo muto, yee, nindeeba yaimutsya omukono gwe enyima, enyima kuri, yaashabirwa akasheeshe aka, mwareeba.

Okusherura n'omutima gwona! Omukazi we ku yaabaire naayenda kwitwa ekookoro, akamanya ngu Ruhanga naabaasa kumukiza. Kandi Ruhanga ku araabe naabaasa kukiza omukazi we, Ruhanga naabaasa kukiza omwojo muto ogwo. Kandi nikimuta omu mbeera y'okusherura n'omutima gwona. Mwareeba? Nooteekwa kwija; kandi waaba noosherura n'omutima gwona, obwo Ruhanga naija kukuhurikiza. Kwonka ku oraabe ori omweremwa, otarikufayo yaaba Araakikore nari ataraakikore, mpaho, obwo ekyo kiine omutaano. Noogira ngu nootaho omutima, kwonka nifyetaagisa okusherura n'omutima gwona kukikora.

48 Niinyikiriza ngu ekitumire tutasherura n'omutima gwona n'ahabw'okutagira rukundo, Ruhanga, rukundo ya Ruhanga. Nintekateeka ngu rukundo ya Ruhanga neetuma haabaho okusherura n'omutima gwona. Ruhanga ku araabe ari omuriyiwe, Akamanyiso kari omuriyiwe, kandi okareeba embeera z'obwire, n'abantu nibagyendera omu kibi oku bari, nikituma waasherura n'omutima gwona. Niinyikiriza ngu nikituma ekyo kyabaho.

49 Hati Ekgambo nikigamba butunu, eki ku oraabe nooyenda kukihandiika, kiri omu kitabo ky'Abagalatia 5:6, ngu, "Owkirkiza kukoresibwa okukunda." Mwareeba? "Owkirkiza kukoresibwa okukunda." Kandi omuringo gwonka ogu orikubaasa kutungiramu okwirkiriza, n'okubanza waagira rukundo. Ahabw'okuba, kandi nabwo, okwirkiriza nikwo kurikuha omuhimbo rukundo. Okuha omuhimbo, buzima ekyo nikyo-nikyo okwirkiriza kuri. N'okuha omuhimbo rukundo. Hati, iwe, ku oraabe otaine rukundo, torikubaasa kugira okwirkiriza. Mwareeba?

50 Noobaasa ota kugira okwirkiriza omu mukazi waawe waaba otarikumukunda? Ekyo n'omuri fileo. Hati shi omuri agapao, ahari Ruhanga? Nikibaasika kita waaba otarikukunda Ruhanga?

Ku oraabe noogira ngu nookunda omukazi waawe, kwonka otakimugambire, kandi otashutame reero okamworeka rukundo, okakimugambira, okamunywegyera, okamubumbatira, kandi okamugambira ngu niwe orikukirayo kuteeka kurungi omu ihanga, ebantu byona ebirungi ebi orikumanya, n'oku aboneire, kandi n'oku orikumukunda; ekyo ku oraabe otakikozire, tarikimanya. Nikwo kiri. Ku oraabe noomukunda, nookyoreka.

Okwo nikwo turikukora ahari Ruhanga. Twaba Nitumukunda, Nitukimugambira. Nitushutama kandi Tumuhimbisa, kandi Tumuramya. Kandi, mwareeba, rukundo etuma twakora ekyo.

51 Hati ku haakuba hariho ekishemereire kukorerwa omukazi waawe? Noomanya, kikaatuma waasherura n'omutima gwona kugira ngu kikorwe. Mbwenu shi omuntu ku yaakugira ngu omukazi waawe aine ekookoro? Mbwenu shi omuntu ku yaakugira ngu omukazi wa-waawe aine TB, kandi ngu ari haihi kufa? Kwonka nabwo, iwe, no-noija kukora ekintu kyona. Mwareeba, nikituma waasherura n'omutima gwona.

Kandi nikwo kiri. Nituteekwa kugira rukundo tutakagizire okwirkiriza. Kandi okwirkiriza . . . Twaba twine rukundo y'amazima, neekora ki? Neihayo rukundo yaitu egita aha runyiriri rw'omu maisho omu rugamba ahabwa Ruhanga. Mwareeba? Rukundo y'okutiina Ruhanga y'amazima ahari Ruhanga kandi n'aha Kigambo Kye hamwe n'abantu Be, neihayo rukundo egishohoza aheeru aho. Rukundo ekwata okwirkiriza, reero egira eti, "Rugayo, ija tuyaende!" Reero eshohora aheeru, 'habw'okuba ekyo nikyo rukundo ekora.

52 Yohaana 14:23, Yesu akagira ati, "Omuntu ku Arikunkunda, aryarinda Ebigambo Byangye." Hati torikubaasa kurinda Ebigambo Bye otaine okwirkiriza omu ki Yaagambre. N'ahabw'ekyo, nooreeba, ku araabe naakunda Ruhanga, obwo naafrinda Ekgambo kya Ruhanga. Ku Araabe yaagizire ati, "Niinye Mukama owaakutambiire," ekyo naakiikiriza. Rukundo neetuma yaakiikiriza, ahabw'okuba rukundo neetegyeka byona. "N'obu naakugamba endimi z'abantu n'eza Baamaraika, kwonka ntaine rukundo, ni busha, mwareeba. N'obu naakugira okwirkiriza kw'okwihaho enshozi kwonka ntaine rukundo, nkaaba ntari kintu." Rukundo neetegyeka byona, 'habw'okuba Ruhanga ni rukundo, Ruhanga wa rukundo. Hati, eego, sebo! Yesu ku araabe yaagambre ati, "Omuntu ku Arikunkunda, aryarinda Ebigambo Byangye."

53 Nitumanya ngu n'amazima Ruhanga agarukamu omuntu orikusherura n'omutima gwe gwona. Hati, twena ekyo nitukimanya. Kwonka obutoosha kyetaagisa ngu habeho ekintu kutuma twataaha omuri ekyo, omu kwagirirwa okwo, kusherura n'omutima gwona. Kyetaagisa ekintu nanka kubaho kukikora.

54 Nitushanga, omu kitabo kya Yakobo 5:15, ngu Baiburi ekyo neekigamba. "Obweziriki bwingi," okwo n'okusherura n'omutima gwona, "okushaba n'obweziriki bwingi kw'ohikiriire kugira amaani maingi omu kukora

kwakwo." Omuntu ohikiriire, omuntu murungi, ku arikutsinda, "nari omutima kugyenda, nimmanyisa kutsinda, kimwe omuri ebyo. Ni-nintekateeka "kugyenda" n'ekigambo kirungi okukiraho. Okutsinda, nari okugyenda, kimwe omuri ebyo eki orikwenda kukyeta. Kwonka o-o-omuntu yaatandika ku-kusherura n'omutima gwona, naatsinda, okushaba n'obweziriki bwingi kw'omuntu orikubaasa kworeka Akamanyiso, hariho eki kurikukora. Mwareeba?

55 Yetegyereze ekindi hanu eki Baiburi yaagambire, omuri Yakobo 16, 5:16, ngu . . . "Kweteisa enshobi zaitu," kwegianukamu, kwetebeekanisa ahabw'ekyo, "tweteisizane enshobi zaitu." Ku-kutagira enshobi . . . Kugambira abantu ngu bakushabire, kweteisizana enshobi zaitu, hamwe n'okushabirana. Nikyo ekyo. Na rukundo, rukundo, ngu nyine obwesigye nimbaasa kukweteisiza enshobi yangye; kandi naiwe noobaasa kunyeteisiza enshobi yaawe. Kandi ninkukunda munonga ekirkugasha kuhitsya obu ndikubaasa kukushabira, kandi naiwe okanshabira; kandi tukaguma nakyo, n'okushaba kw'obweziriki bwingi, okuhitsya obu eshaara eraagarukwemu. Okwo, okwo n'okusherura n'omutima gwona. Ekyo nikyo tushemereire kugira obwire bwona.

56 Ka tutware eby'okureeberaho bimwe omuri Baiburi by'ekyo, ekyabaireho, hati, okumara, nk'edakiika ikumi na itaano, Mukama ku araakunde.

Yakobo, akaba ari omushaija, okubanza akaba ari mukye . . . nk'omwojo otaine murabanamu. Akateekateeka omu mutima gwe ngu akaba naamanya ngu obukuru bw'okuba omujigaijo bukaba nibumanyisa byona ahariwe, n'ahabw'ekyo tarafireyo oku yaabaire naaza kubutunga, ekikuru kukaba kuri okubutunga. Kandi ku yaaherize kubutunga, akateekateeka ngu byona byatereeera, ahabw'okuba akaba aine obukuru bw'okuba omujigaijo. Akateekateeka ngu ekyo kyahwa. Akaija ahari mwene ishe obu yaabaire aine enjara, naaruga omu ihamba, naaruga kukoresa ente n'okuhiiga esa. Kandi mwene ishe, a-akaba naayetenga enyungu mpango y'ekicumbe, amashaza g'omu ishwa n'e-n'ebindi bijwangiremu. Nikibaasa kuba kyabaire nikyosyosya aha muntu oine enjara, ahanyima y'okugyenda eizooba ryona. Reero mwene ishe yaagira ati, "Ndi haihi kugwa enshazi. Mpa ahari ekyo kicumbe."

Reero yaagira ati, "Mbwenu, ni . . . ku orandahire ngu ninza kutunga obukuru bw'omujigaijo." Mwareeba? Tarafireyo oku yaakikora, ekikuru kukaba kuri okubutunga. Kandi akateekateeka, ku yaatungire obukuru bw'omujigaijo, ngu ekyo kyamara.

57 Pentekoote 'mwe, aho niho mwaremeirwe! Mukateekateeka ngu ahabw'okuba mwazairwe Omwoyo, kuzaarwa Omwoyo wa Ruhanga, Obukuru bw'okuba omujigaijo, ngu ekyo kikamara. Kwonka okwo n'okutandika kwonka. Nimwijuka omu butumwa bwa-bwa Mumuhurire, oku omwana, ku yaabaire aheza kuzaarwa omu ka, akaba aba omwana. Akaba agira obugabe aha buhunguzi bw'omujigaijo, kwonka akaba abanza yaagyezibwa, yaayegyesibwa nk'omwana. Kwonka ku yaabaire atooreka ngu n'omwana omuhurizi aha kukunda kwa ishe, obwo akaba ateequa, mpaho, akaba atatunga e-e . . . akaba ata . . . ataba omuhunguzi. Akaba atahungura ekintu kyona, kunu ari omwana, kwonka akaba atagira eki yaahungura ku yaabaire atata omutima aha bintu bya ishe.

Kandi Omwoyo Orikwnra ku yaizire aha Bapentekoote reero baatandika kugarura busya ebiconco n'ebintu ebyabaire biri omu kanisa; bo bakateekateeka, ngu ahabw'okuba bazairwe Omwoyo, ekyo kikaba nikimara. Kwonka, nooreeba, hariho kuta omwana omu mwanya gwe. Kandi omwana ogu ku yaabaire ahamibwa ngu n'omwana w'amazima, obwo akaba atwarwa omu maisho g'abantu, reero bamuta aha kadaara, ebijwaro bye babihindura, kandi bamuta ahaiguru aho; reero habaho okuta omwana omu mwanya gwe, ngu abe omuhunguzi wa byona ebi ishe yaabaire aine.

58 Ruhanga akakora ekintu nikyo kimwe aha Mwana We aha Rushozi rw'Okuhindurirwaho. Akasangirwa n'e . . . nari ekicu, kandi yaahindurwa, kandi ebijwaro Bye byamurinkana nk'eizooba, reero eiraka ryagira riti, "Ogu n'Omwna Wangye Ou nkunda, ou Nyesiimira munonga." Musa n'ebiragiyo bikaba byaremirwe. Mbwenu ogu Niwe, "Mumuhurire." Akateebwa omu mwanya Gwe. Mwareeba?

59 Hati Yakobo akateekateeka ngu, ahabw'okuba yaabaire aine obukuru bw'okuba omuhunguzi, ngu buri kimwe kyatereeera.

Nikyo kimwe n'Abapentekoote, reero baatandika kukora ekibiina, a-ab'obumwe, ab'obushatu, n'aba tiriniiti, n'ebibiina bya buri muringo, n'okuteera empaka hamwe n'okukururana, kikooreka ngu Akamanyiso kakaba katarikworekwa. Eitima, eihari, entongane, mwareeba, kwonka aho niho kyahikire.

Hati, nooreeba, Yakobo akateekateeka ekintu nikyo kimwe. Kwonka omu kutiina, ekiro kimwe, ahabw'amagara ge, okusherura n'omutima gwona kukamukwata, ku yaatekateekire ngu, "Seeri y'ogwo mugyera, mwene tata antegyereize kuunyita. Naaza kuunyita." Mwareeba, obukuru bw'okuba omuhunguzi obu yaabaire atungire, nikyo kintu ekyabaire nikyenda kumwitisa.

Kandi obumwe n'obumwe ekyo kintu kyonyini eki orikutunga, nk'Omwoyo Orikwnra, Niwe, kandi okazaarwa obwa kabiri n'Omwoyo, ku oraabe otegyendesereize, ekyo kintu nikyo kirikusingisa orubanja aha muheru. Ekyo kihikire. Amaizi agaajunire Noa, nigo gonyini agacwereire ensi orubanja. Ekintu eki-eki orikubaasa kweta obugwa-iraro nikibaasa kuba ekintu nikyo kimwe ekirkucwera orubanja aha muheru gw'orugyendo.

60 Hati Yakobo akamanya ngu amagara ge gakaba gari haihi kuhika aha muheru. Entumwa ekaija yaamugambira

ngu mwene ishe, n'abashaija abaine eby'okurwanisa magana ana, bakaba bari omu muhanda nibaija kumubugana, yaamanya ngu ari-ari omu muhanda naija. Obwoba bwamukwata. Yaayohereza omushaija kumubandiza omu maisho n'enimi, ente, hamwe n'entama kutaho ekitambo ky'obusingye rwagati ye na Esau. Reero, ahanyima y'ekyo, yaatuma ekindi kibiina kiine ebindi bintu. Bwanyima yaatuma ekindi kibiina kyekoreire ebindi bintu, kugyezaho kubanza kumubugana, kugyezaho kumaraho ekiniga kye kingi. Reero yaatandika kuteekateeka ati, "Ekyo tikirikwija kumuzibira, ahabw'okuba obundi n'omutungi okunkira. Tarikubyenda." Reero yaakwata abakazi be n'abaana be bato, yaaboohereza seeri, ngu Esau areebe abo baana bato n'abakazi be. Kandi buzimazima abaihwa be b'abaishiki n'aboojo, akaba atarikwija kubaita. Reero, we, yaaremwa kukikora. Ruhanga naamanya oku araakwatse omuntu. Yakobo yaayambuka akagyera. Okwo yaaza aha maju ge.

Noomanya, akaba atwire ari nk'omuryangatanisa kakye, ekyo kitakabaireho. Munsaasire ahabw'emigambire egyo, kwonka akaba ari nk'o . . . kakye. Akaba ari Yakobo. Yakobo nirimanyisa "omubeihi," kandi ekyo nikyo yaabaire ari. Kwonka hariho ekintu ekyabaire nikiteekwa kumubaho. Okwo omu kusherura n'omutima gwona, okwo ei rufu yaabaire emuri omu maisho . . .

61 Hanu nihabaasa kuba hariho abashaija n'abakazi abashutami hanu ekiro eki, abu, rufu eri omu maisho gaanyu honyini. Kandi omuhanda gwonka ogu orikubaasa kutungiramua ekyo kintu eki orikwetenga, n'okwija n'omutima gwawe gwona. "Nintekwa kikitunga, ekiro eki. Ninkitunga hati, kitari ekyo ebyangye byahwa. Nyencakare obwire nibuba butakiriho. Nintekwa kikitunga hati!"

Waashaba okubatizibwa kw'Omwoyo Orikwera, Akamanyiso, otogira oti, "Mpaho, hati naaza kwinamukayo reero ngyezeho. Mukama, ndi, ndi nk'oruhire kakye." Oo, embabazi, guma omu ntebe yaawe! Ota-otagyezaho na kakye. Ku oraije, okagira oti, "Naaza kufa kuraba omu runyiriri rw'ab'okushabirwa; bansiigye amajuta aha mutwe, niinyija kureeba yaaba haraarugyemu akarungi koona," n'obwo ogume oshutami ahu ori. Okuhitsya obu oraahikye omu mwanya ogwo, okuhitsya obu ekanisa yoona eraahikye omu mwanya nanka, rwagati y'okufa n'okukira, nooteekwa Kumutunga hati nari ohwerekyerere, obwo nibwo Ruhanga araije aho. Nikyetaagisa kusherura n'omutima gwona nikwo Ruhanga abone kwija aho.

62 Yakobo akarira nk'oku yaabaire atakariraga. N'omutima gwe gwona akeeta okuhitsya obu yaakwatsire ahari Ruhanga. Kandi ku yaamukwatsireho, yaafukaana; atari okumara edakiika ikumi na itaano. Akafukaana Kumugumya, omu mutima gwe, ekiro kyona; kwonka nabwo yaamanya ngu tiyatunga omugisha, n'ahabw'ekyo yaamuramatiraho okuhitsya obu omugisha gwaizire. Akfukaana n'omutima gwe gwona okuhitsya obu omugisha gwaizire. Reero, kandi ku yaareebire . . . okuhitsya obu Ruhanga yaizire aho. Kandi omu kwagirirwa, "Tindikwija Kukurekura," ku yaatandikire kuhurira omugisha guriyo nigumushuumaho.

abantu baingi bagira bati, "Ruhanga aheebwe ekitiinisa, naakitunga hati." Aho waabeihwabeihwa. Yee! Omwe naagira ati, "Oo, niinyehurira kurungi munonga, Ow'eishe-emwe Branham, naagiire eifo kuri kandi naashaba. Oo, nk'amashanyarazi gandabamu." Kandi ogwo naabaasa kuba abaire ari Ruhanga. "Naareebire omushana mwingi gwaja omu maisho gangye." Ogwo naawe naabaasa kuba abaire ari Ruhanga, kwonka ekyo tikyo ndikugambaho.

63 Baiburi neegira, omu kitabo ky'Abaheburaayo eshuura ya 6 ngu, "Enjura egwa aha bahikiriire n'abatahiriire, omu buryo bumwe." Hati, kwata engano, kandi okwate n'ekiraare, haza obite omu musiri. Kandi buzima enjura eyoherezibwa ahabw'engano, kwonka enjura egwa aha kiraare nk'oku egwa aha ngano. Kandi, enjura, n'ekiraare bishemerererwa enjura nk'oku engano eshemererwa, kandi n'enjura egwo emwe yonyini. Omwoyo Orikwera wenyini naabaasa kwija ahari otarikwikiriza kandi atume yaatwaza nk'oku omwikiriza arikutwaza buzima. Kwonka bamanyirwa aha byana byabo; ekyo nikyo ndikugambaho, ako n'Akamanyiso. Kandi Da- . . .

64 Kandi Yakobo, naaba nimmanyisa, omu kusherura n'omutima gwe gwona, akagira ati, "Nimmania ngu Naakukwataho, Ori hanu naanye, kwonka tindikuza Kukurekura."

Hariho orikukireeba kiri kirungi, okukyamukirira kukye kw'okubanza, nibaimuka reero bagurukyera, bairukanga omu kahanda ka rwagati y'entebe, bagira bati, "Naamutunga, Naamutunga, Naamutunga." Oo, ngaaha. Haa. Ngaaha.

Yakobo akaguma aho okuhitsya obu haabaireho ekintu, ekyatumire yaagyenda omu buryo bw'omutaano, kyamuhindura omuntu w'omutaano, ahabw'okuba akaguma aho okuhitsya obu ekyo kyabaireho. Kandi akaba naabaasa . . . Baiburi ekagira ngu, "Akaramatiraho okuhitsya obu yaasingwire." Omuntu naabaasa ata kusingura Ruhanga? Kwonka noobaasa kukikora. Noobaasa kukikora. Omuntu naabaasa kusingura Ruhanga.

65 Rimwe hakaba hariho omushaija owaabaire naayetwa Hezekia, nabi akaba yaamugambiire ati, "OKU NIKWO MUKAMA ARIKUGIRA, noija kufa." Hezekia yaahinduka yaareeba ekisiika, kandi omu kusherura n'omutima gwe gwona yaaborooga ati, "Mukama, ngirira embabazi. Ngyendeire omu maisho Gaawe n'omutima oguhikire, mbwenu niinyetenga endiijo myaka ikumi na itaano," ahanyima ya Ruhanga kumugambira ngu hariho ekintu ekyabaire nikyenda kubaho, akaba naaza kufa. Reero, omu kusherura n'omutima gwe gwona, akahindura entebeekanisa ya Ruhanga. Okusherura n'omutima gwona, n'obu kiraabe, akarira munonga obwo ariyo naasherura n'omutima gwe gwona.

66 Yakobo akaguma aho okuhitsya obu omugisha gwaizire, kandi gwahindura eiziina rye okuruga aha kuba

"omubeihi" ryaba "omunyiginya na Ruhanga." Nangwa n'eihanga rikeetererwa eiziina rye. Eego, sebo! Kikaba kiri ki? Ebyarugiremu n'ahabw'okuba yaasherwire ekyo kintu n'omutima gwe gwona. Reero eizooba eryakuratsireho ku yaabugaine Esau, akaba atarikwetenga abarinzi boona. Akarugayo kandi yaamubugana. Mwareeba? Ahabw'enki? Akaba yaasherwire n'omutima gwe gwona okuhitsya obu yaatungire obuhame.

Kandi noosherura n'omutima gwona okuhitsya obu oraatungye obuhame. Ku oraabe otasherwire n'omutima gwawe gwona, otasiiba noijsa kushabirwa. Otasiiba noijsa ahari rutaari. Tegyereza okuhitsya obu kiraabe rwagati y'okufa n'okukira, ahariiwe, reero nihaija kugira ekyabaho. Buzima, okusherura n'omutima gwona!

67 Ruusi akasherura n'omutima gwona, obwire bumwe, obu yaabaire ayemereire aha rubaju rwa Naomi. Akaba naaza kugaruka omu bantu be, omu bakundwa be boona, na byona ebi yaabaire na-naaramya, baaruuhanga be n'abantu be, nari akaba naija kuba akaramata ahari Naomi? Naateekwa kukora ki? Reero yaasherura n'omutima gwe gwona, kandi yaagamba n'eiraka rihango ati, "Ahu oriza, naanye niho ndiza. Ahu orituura, naanye niho ndituura. Ahu origwa, naanye niho ndigwa. Ahu oriziikwa, ndyaziika . . . nimmanyisa niho ndiziikwa. Kandi Ruhanga waawe niwe ariba Ruhanga wangye." Nikyo ekyo, kusherura n'omutima gwona! Ruhanga akamuha omugisha, yaamuha omwana w'omwojo, Obedi. Obedi yaazaara Yese. Yese yaazaara, okurabira omuri Yese, haarugamu Yesu. Ahabw'okuba, okusherura n'omutima gwona!

Nka maraaya omukye, Rahabu, akasherura n'omutima gwona. Akamanya ngu rufu ekaba eri omu maisho ge. Akaba acwerefirwe omushango. N'ahabw'ekyo yaasherura n'omutima gwona, yaagira ati, "Naaza kubashereka imwe ntatsi 'mwe. Naaza kukora ekintu kyona. Kimwe kyonka, mundahire Ruhanga waanyu, ku enju yangye erkija kugumaho." Nikyo ekyo.

Yaagira ati, "Ni . . . ku oraatware akamanyiso aka, n'eija kugumaho."

68 Eliezeeri akasherura n'omutima gwona obujunaanizibwa ku bwamukwatsiibwe kusherura omugore wa Isaaka. Eliezeeri owa Damasiko akaba ari omushaija w'amaani. Akaba naakundwa Abrahamu, kandi Abrahamu akaba naamwesiga kuza kusherura omugore, omugore ohikire, wa mutabani we, Isaaka. Okurabira omuri ogwo hakaba nihaija kuzaarwa Kristo.

Hati, Eliezeeri, ahabw'okushangwa ari omushaija w'omwoyo, akamanya eki kyabaire nikimanyisa. Omukazi w'omutima akaba naateekwa kuba muk'omushaija ogwo-ogwo. Kwonka akaba naija kumutoorana ata? Omu shaaha y'okusherura n'omutima gwe gwona, ku yaahikire aha rurembo orwo, akashaba yaagira ati, "Mukama Ruhanga!" Nikyo ekyo. Waayagirirwa, oshabe. "Mukama Ruhanga, k'omwshiki w'okubanza oraarugyeyo kandi akeeshera engamira, kandi akampa amaizi nkanywaho, abe ogwo." Akashaba omu shaaha ye y'okusherura n'omutima gwona.

69 Rebeka, omwshiki oboneire, akaija, yaayeshera engamira. Reero Eliezeeri yaagira ati, "Otankyerereza omu rugbyendo rwangye." Rebeka akaba naateekwa kuhika aha bwire bw'okucwamu yaaba araagyende. Akaba naashushanisa Omugore. Akaba-akaba naaza kwikiriza kugyenda reero akashwerwa omushaija ou yaabaire atakareebahoga? Hati, ekyo n'ekintu kikuru. Akaba atakamureebahoga, kureka akaba ahuriire okurabira omu mugaragwa we.

Ekyo n'ekirkushushanisa Omugore. Tokareebahoga Kristo. Kwonka noohurira, okurabira omu baheereza Be, Ou ari. Nooreka byona, otsigaho amaka gaawe, byona ebirikwetaagisibwa, kuza Kumusherura. Hati yetegyereze, kandi Rebeka akacwamu, ekirkushushanisa Omugore, akatsigaho eka ye y'ekigombe ky'ediini, mwareeba, kugyenda.

70 Yona, bakamunaga omu nyanja omu bwire bw'eihunga, okuzimu omu nyanja, omu nda y'eky'enyanja kihango. Amatsiko g'okukira gakaba goona gaahweire. Kwonka yaijuka ngu Sulemaani, ku yaabaire naashoroora hekalu, akagira ati, "Mukama, abantu ku bariba bari omu kabi ahantu hoona, kwonka ku barihinduka bakareeba hekalu egi kandi bakashaba, ohurile." Kandi obwo ariyo naahindukira omu nda y'eky'enyanja kihango, akabaasa kugira ahu yaayekiika yaatsimba amaju ge, nintekateeka, n'ebitanaki by'eky'enyanja kihango weena bimushwekire.

Aho yaashaba n'omutima gwe gwona. Kandi omuri ekyo, n'omutima gwona; eki yaabaire atsigaze kyonka n'omwoya gw'okwitsya mukye gwa okisigyi omu nda y'eky'enyanja kihango. Kandi omuri okwo kwitsya kukye oku yaabaire naitsya, obundi akaba atarikumanya orubaju oru yaabaire arimu, kwonka yaagira ati, "Mukama, niinyikiriza ngu nindeeba eruguru ahashungaine na hekalu Yaawe." Kandi obwo atsigaze okwitsya kukye, omu kusherura n'omutima gwona, akashaba, omu mbeera ezo. Kikaba kitakakorwaga, kwonka akaba naasherura n'omutima gwona. Akashaba, reero Ruhanga yaamurinda yaaguma ahuriire okumara ebiro bishatu nyomushana na nyekiro, kandi yaamuhitsya aha mwanya ogu yaabaire ashemereire kubuurira obutumwa bwe. Okusherura n'omutima gwona!

71 Hanna, omukazi engumba omuri Baiburi, akaba naayetenga omwana w'omwojo, n'ahabw'ekyo yaatandika kwesiibyakwo ahabwe. Kandi akeesibyakwo kandi yaashaba okuhitsya obu n'omunyamurwa ahari hekalu yaateekateekire ngu asinzire. Akaba naasherura n'omutima gwe gwona atyo! Obwo abandi bakazi bariyo nibareeba ebitambaara by'aha mutwe ebi abandi baabaire bajwaire; kandi nimumanya oku kiba; kandi n'ondijo

ariyo naareeba ebijwaro ebi baabaire bajware, kandi nibagamba aha byabaire nibikorwa omu nshambu. Kwonka tikwo kyabaire kiri ahari Hanna; akaraba omu nkuyanja y'abantu boona kandi yaaza ahari rutaari. Akaba ayesiibizekwo. Akaba naayenda ngu ekihemu kye kiihwaho.

Ka n'eky'omutaano ebiro ebi. Haihi n'ekirikushwaza kuzaara. Buri kikaba ni-kikaba nikishwaza kutazaara.

Reero yaaza aha maju ge. Kandi tarareebire n'okubonera kwa hekalu. Tarareebire n'omunyamurwa w'ekitiinisa obu yaabaire naashohora. Akaba ari omu naku nyingi zityo okuhitsya obu emiziga ye yaabaire neeyeshuka aha matama ge, kandi akaba naarira, naasherura n'omutima gwe gwona ati, "Ai Mukama Ruhanga, mpa omwana w'omwojo. Mpa omwana w'omwojo!"

72 Kandi, yetegyereze, ogwo mukazi akaba atarikweyendeza. Ruhanga ku yaamuhuriire, kandi akagarukamu eshaara ye kandi akamuha omwana w'omwojo, akagarurira Ruhanga ogwo mwana. Kandi ahabw'okushangwa ngu akaba atarikwenda kweyendeza ahanyima ya Ruhanga kugarukamu eshaara ye, Akamuha nabi. Oo, ogwo gukaba guri omugisha ogwongyeirweho. Oo, Abijiwize, ebyo bintu bikye ebyongyeirweho ebi Aha. Ti mwana w'omwojo kwonka, kureka nabi. Kandi hakaba hahweireho emyaka mingi, mingi munonga hatariho okworekwa kwa butunu, omuri Israeli. Samueli, nabi w'okubanza, ahanyima y'emyaka mingi, mingi munonga, ahabw'okuba omukazi omuzaire akasherura n'omutima gwona; ngu akaba atarikubaasa kugira omwana, kandi akaba ahingwize emyaka y'okuzaara, obundi emyaka makumi mukaaga, makumi mushanju. Kandi akashaba n'omutima gwona, naateekwa kutunga omwana ogu! Kikaba kiri ki? Ruhanga akaba yaagambire nawe, hatariho kubanganisa.

Torikubaasa kusherura n'omutima gwona haza Ruhanga atagambe naiwe. Oo, Kanisa 'we, imuka oyekunkumure! Shuna ebiteekateeko byawe, yesisiimure, omu shaaha egi! Nituteekwa kusherura n'omutima gwona, kitari ekyo nituhwerekyerera! Hariho ekirikwenda kuruga ahari Mukama! Nimmanya ngu ekyo ni OKU NIKWO MUKAMA ARIKUGIRA. Hariho ekiriyo nikija, kandi kikaabaire kirungi tusherura n'omutima gwona. Ni rwagati y'Amagara n'okufa. Nikija kulturabaho haza tufeerwe kukireeba.

Ahabw'okuba Hanna yaabaire atarikweyendeza, akaheebwa nabi.

73 Omukazi wa Shuneemu akaba aine omwojo muto ou nabi yaabaire agambireho Ekigambo kya Mukama, n'obu yaabaire akaikwire na iba ari omugurusi. Bakaba bataine abaana, kwonka omukazi ogu akaba omunyambabazi ahari nabi ogu-ogu. Kandi akamanya ngu akaba ari omushaija wa Ruhanga. Akeetegyereza ngu akaba ari ow'ekitiinisa, omushaija muzima. Nabi akaija omu nju, iba atarimu, n'ebindi. Akaba ari omushaija orikwera. Bakaba nibabaasa kureeba ngu akaba ari omuntu w'ekitiinisa. Ogwo mukazi akaba yaamureebire naakora eby'okutangaaza n'eb'yamahano. Akaba yaamuhuriire naatebya ebintu ebyahikire bikabaho. Akaba ari omushaija w'ekitiinisa, orikwera.

Akagambira iba ati, "Naamanya ngu omushaija ogu otuhungukaho hanu n'omushaija orikwera." Nyinamaka ogwo, akamanya ngu n'omushaija orikwera. N'ahabw'ekyo yaamwombekyera akaju kakye aheeru aho, kugira ngu nabi atashwara. Akaba abahungukaho oku arikwenda, n'ebindi. Ogwo mukazi akatamu e-ekitanda kikye aheeru okwo, n'e-n'ajaaga y'amaizi, n'ebindi, kugira ngu abaase kunaaba kandi atungye eky'okunywa. Kandi ogwo mukazi obundi akaba atuma omuzaana, nari ondijo muntu, omukuru w'abahuuku be, n'e-eb'yokurya by'okumuriisa, reero aija aho amutengyera e-eizooba rirungi, nari ekintu nk'ekyo.

74 Reero, n'ahabw'ekyo, Eliya ku yaareebire ezi mbabazi ezi yaabaire amworekire. Kandi kikahandiikwa ngu, "Ebi muraakorere abato Bangye, biri Niinye mubikoreire." N'ahabw'ekyo ogwo mukazi ekyo akakireeba, ogwo mukazi akaba naaheereza Ruhanga ekitiinisa obu yaabaire naaha ekitiinisa nabi ogu, ahakuba akareeba Ruhanga omuri nabi ogu. Reero, n'ahabw'ekyo, ogwo mukazi akaba atarikwenda kintu kyona ahabw'ekyo. Omu mutima gwe hakaba hatarimu ekintu eki yaabaire naayenda ngu azimuuirirwe. Akakikora ahabw'okuba akaba naakunda Ruhanga. Tarakikozire kugira ngu atungye omugisha gwona. Akafa kukikora.

Hati, hati Eliya akagira ati, "Gyenda omubuuze, naayenda ngu ngire eki naamugambirira omugabe? Ndi munywani we empika. Nari, omukuru w'amahe, ni-nitumanyana kurungi munonga. Hariho embabazi, ekintu eki naakubaasa kumukorera, niinyenda kugira eki naamuha ahabw'ebi ankoreire. A-atwire nandiisa. Yaanyikiriza kubyama omu bitanda. Kandi-kandi atwire ari murungi munonga ahariitwe. Hati nkore ki?

Ogwo mukazi yaagira ati, "Ngaaha, ndi omu baitu. Turi-turi abatungi. Twine eby'okututunga, kandi ekyo nikimara. Titwine eki tukyenire."

Reero Gehazi yaamugira ati, "Manya taine mwana weena."

Gehazi ku yaaherize ati kukireeba, hatariho okubanganisa kwona nabi ogwo akatunga okworekwa, ahakuba akagira ati, "OKU NIKWO MUKAMA ARIKUGIRA. Irooko omugambire oti, omu bunaku oburibwo, nari obunaku obuhikire, omwaka okuruga hati, naija kukiikira omwana w'omwojo."

75 Kandi omwana w'omwojo yaazaarwa. Ku yaahikize nk'emyaka ikumi na ibiri . . . Ogwo mugurusi n'omukaikuru ka nibateekwa kuba baabaire nibakunda omwojo muto ogu, omwana waabo omwe nyamunegyere. Reero eizooba rimwe ku yaabaire naashara engano, na ishe. Nibubaasa kuba bwabaire buri omu ihangwe, yaateerwa omushana yaagwa kihuumura, nikwo ndikuteekateeka, ahabw'okuba akatandika kuborooga ati, "Ai bambe, omutwe

gwanyita." Yaayeyongyera kuba kubi munonga. Ishe yaagyemwa kumwiha omu musiri, kandi ekyo kikaba nikiyetaagisa kukorwaho ahonaaho, n'ahabw'ekyo yaatuma omuhuuku, reero yaamutuma kutaahamu.

Nyina yaamushutamya aha bibero bye okuhitsya omu ihangwe, kwonka yaakaba. Yetegyereze, omwana we nyamunegyere, ou Mukama yaabaire amuhaire, okurabira omu kushaba n'okuraganisa kwa nabi hamwe na OKU NIKWO MUKAMA ARIKUGIRA. Nyina w'omwojo ogwo akamanya ngu hariho ekishobire ahantu nanka. Kikaba kitaraakore na kakye. Ruhanga akaba naabaasa ata kumuha omwana w'omwojo ogwo kandi akaikiriza ngu-ngu amukunde atyo? Kandi akaba atamushabire. Akaba akaikwire munonga atarikubaasa kumuzaara. Omukono gwa Ruhanga nigwo gwabaire nigubaasa kukigamba. Omuntu akakigamba, nabi. Kandi aho omwana ogu omu mbeera egi, akaba yaaheza kukaba, omwana we omwe nyamunegyere.

N'ahabw'ekyo yaagambira omwambari we ati, "Ntandiikira enyumbu, kandi ogitembe, kandi oteemerera. Omuntu weena ku araagyezeho kukwemereza, otagira ekigambo kyona eki waagamba, kureka ovugire kimwe embaraasi nootoora ow'Ekibungo Karumeeli. Eruguru okwo omu nyanga okwo, omunda omwo, hariyo omuheereza wa Ruhanga Rukira-boona; ogwo owangambiire ati, OKU NIKWO MUKAMA ARIKUGIRA, niinyija kuzaara omwana. Niinyenda kumanya ahabw'enki Ruhanga akozire eki." N'ahabw'ekyo yaagira ati, . . . "Gyenda omu maisho kandi otaikiriza egyo nyumbu kugyenda mpura. Giteere obwira eirukye n'amaani gaayo goona. Reka eirukye okuhitsya obu oraahikyeyo." Okusherura n'omutima gwona!

76 Reero nabi Eliya yaimuka, yaareeba, kandi yaagira ati, "Oriya ga n'omukazi ori wa Shuneemu orikwija, kandi, we, hariho ekishobire ahariwe. Ruhanga akinsherekire. Tindikumanya ekishobire." Yaagira ati, "Gyenda, omubugune. Nyine . . . Ka turahutsyeho. Hariho ekishobire."

Okusherura n'omutima gwona kwatandika omuri nabi, omukazi nawe arikusherura n'omutima gwona. Waareeba, bakaba nibaza kubugana; omwe arikwetenga kumanya Ekigambo kya Mukama, kwonka ondijo ori atarikumanya eki Ekigambo kya Mukama kyabaire kiri. Nkikyo aho. Omwe arikwetenga kukimanya, kwonka ondijo ori atarikukimanya. Ogwo mukazi akaba naayenda kukimanya, kwonka nabi akaba atarikukimanya. Yaagira ati, "Ruhanga akinsherekire. Tindikumanya eky'okumugambira ku araahikye aha."

Obunaku obwo ogwo mukazi akaba haihi yaahikire aho. Nabi yaimutsya omukono gwe, yaagira ati, "Byona ni buhooro? Baro ari buhooro? N'omwana waawe ari buhooro?"

77 Hati, ogwo mukazi akaba yaahika aha muheru gw'okusherura n'omutima gwe gwona. Yaagira ati, "Byona biri buhooro!" Ekitiinisa! "Byona biri buhooro!" Okusherura n'omutima gwe gwona kukahwa. Akaba yaabona omuheereza wa Mukama. Kuri ataamushangireyo, akaabaire naagumizamu naasherura n'omutima gwe gwona. Kwonka, nooreeba, akaba ariyo. Yaagira ati, "Byona biri buhooro!"

Elisa yaateekateeka ati, "Kwonka shi, n'enki ekirikugyenda omu maisho hati?"

Reero ogwo mukazi yairuka yaagwa ahansi aha bigyere bye. Ekyo kikareebeka nk'ekitari ky'obutoosha, n'ahabw'ekyo Gehazi yaamwimutsya. Yaagira ati, "Murekye, ekyo otakikora." Eliya yaagambira omugaragwa we ati, "Ekyo otakikora. Murekye. Hariho ekishobire. Ruhanga akinsherekire." Reero yaabona kumugambira ku omwana afiire.

78 Hati, nabi akaba atarikumanya eky'okukora. Yaagira ati, "Gehazi, twara egi nkoni ei ntuura ningyenderaho." Akaba naamanya ngu kyona eki yaabaire akwataho kikaba kiheebwa omugisha, 'habw'okuba akaba atariwe, akaba ari Ruhanga omuriwe. Akaba naamanya eki ari. Akaba naamanya ku ari nabi. N'ahabw'ekyo yaakwata egi nkoni reero yaagira ati, "Gehazi, egi gitware, haza ogyende kandi ogirambikye ahari ogwo mwana. Kandi ku haraagire owaakugambira ekintu, omwetsize. Kandi otagira ou waaramutsya weena, kandi hatagira eki wa . . . Oguizemu noogyenda, otagira ou waaramutsya weena. Ogirambikye ahari ogwo mwana."

Kwonka, ogwo mukazi, ekyo tikiramazireho okusherura n'omutima gwona kwe. Ekyo tikiramazireho ekyabaire kimureetsire. Yaagira ati, "Nindahira Mukama Ruhanga ohuriire, ti-tindikwija kukutsiga aha okuhitsya obu oraaze kushabira omwana."

Reero Eliya yaatandika kusherura n'omutima gwe gwona. Kandi ngugwo yaagyenda, yaashuma omu muhanda, we n'ogwo mukazi. Kandi ku baahikireyo, a . . . abantu boona bakaba baijuriraine omu kibuga, nibaborooga kandi nibarira. Kwonka ogwo mukazi akaba akozire ekintu ekyabaire nikikirayo oburungi ekyabaire nikibaasa kukorwa. Ogwo mukazi yaakwata omwana yaamuta omu kitanda eki Eliya yaabaire abyamamu. Ekyo kikaba kiri kirungi nk'enkon ye. Kwonka tiyahimbuuka, n'ahabw'ekyo ekyo kyayanga kukora. Akaba naayenda kumanya ekindi ky'omutaano.

79 Nabi yaataahamu. Hati naasherura n'omutima gwe gwona. Hati ashemereire kukora ki? Kandi nitushanga omuri Baiburi ngu akagyendagyendaho omu kishengye, naasherura n'omutima gwe gwona. "Tindikumanya ekindi kyona eky'okukora, Mukama. Reeba ndi hanu. Okagira ngu ngambire ogwo mukazi, kandi OKU NIKWO MUKAMA ARIKUGIRA. Kandi buzima nikwo naamugambiire, ahabw'okuba okangambira. Hati, ngugwo aho ari omu kabi, kandi tindikumanya eky'okukora. Ngugwo omwana ofiire arambiire aho. Nkore ki, Mukama?"

Hatariho okubanganisa Omwoyo Orikwera akagira ati, "Ruhanga ku araabe ari omuriwe, obwo yegororere

ahari ogwo mwana." Ekintu ky'okubanza noomanya, yaareka, yairuka yaata engaro ze aha ngaro ze, enyindo ye aha nyindo y'ogwo mwana, eminwa aha minwa ye. Kandi ku yaamwegororeireho, ogwo mwana yaayetsyamura emirundi mushanju. Okusherura n'omutima gwona kwahwa.

Omwana yaazooka, ahabw'okuba ngu okusherura n'omutima gwona kukatuma ogwo mukazi yaaza ahari nabi, kandi okusherura n'omutima gwona kwatuma nabi ogwo yaaza ahari ogwo mwana. Kandi okusherura n'omutima gwona omuri abo bombi kwatuma Ruhanga yaija aho. Aine rukundo ya Ruhanga, kandi n'okukunda abantu be, kikatuma rukundo ya Ruhanga yaashuumaa ahansi, kandi kyata okwikiriza omu runyiriri rw'omu maisho omu rugamba, reero omurimo gwakorwa. Omushango gwahwa. Amiina! Nikyo ekkyo. Okusherura n'omutima gwona nikukikora. Buzima! Ogwo mukazi akaba atarikuza kurugaho.

80 Batimaayo empumi akateekateeka ngu Yesu akaba naija kumurabaho, ashutami aha irembo aheeru aho, omusheegi empumi, naashaba obuhwezi. Ekintu ky'okubanza noomanya, akahurira orwari; Yesu akaba naahingura. Yaagira ati, "Ogu n'oha orikuuhinguraho?" Omuntu omwe yaamutsindika ahansi. Yaagira ati, "Nyabura 'we, muntu 'we, n'oha orikuuhinguraho?"

Omwe aharibo, mpaho, obundi shana omukazi omukuratsi omunyambabazi, yaamugira ati, "Sebo, torikumanya orikuuhinguraho?"

"Ngaaha. Nimpurira bamwe nibagira bat, 'Eruguru hanu hariho eirimbo erijiwiremu abantu abaafiire. Ku oraabe noozoora abafu, irooko obazoore.' N'orikurogota nari n'ondijo muntu?"

"Ngaaha. Orahuiireho Nabi ogwo owa Galilaaya, Nabi omutsigazi ogwo orikwetwa Yesu owa Nazareesi?"

"Ngaaha."

"Mpaho, noomanya, omuri Baiburi omu mizingo yaitu y'ebitabo nikigira ngu Omwana wa Daudi aryaimuka kukishutamaho. Niwe Ogwo."

"Niwe Ogwo? Niwe Ogwo, kandi Ariyo naarabaho?"

Okusherura n'omutima gwe gwona kukatuma yaayamuza n'eiraka rihango ati, "Ai Yesu, Iwe Mwana wa Daudi, ongirire embabazi!"

Otampingura, Ai Mujuni,

Ninkutakira;

Ku oraataayaayire abandi,

Naanye otantsiga.

"Ai Yesu!"

Bamwe aharibo baamuteisa nibagira bat, "Cureera! Nooyomba munonga."

81 Kwonka akaba naasherura n'omutima gwe gwona. Ku Araamuhingureho, naabaasa okutagaruka kutunga ogundi mugisha. Naitwe nikyo kimwe; eki nikibaasa kuba ekiro ky'aha muheru. Okusherura n'omutima gwona! Yaayamuza n'eiraka rihango ati, "Ai Yesu!" N'obu yaakubaire oha owaamugambiire okuhunama, akagumizamu naayamuza atyo, yaayeyongyera kwamuza munonga. Ku baamugambiire ngu ahuname, kikatuma yaayeyongyera kugambira ahaiguru. Akaba naasherura n'omutima gwe gwona. Tihariho owaabaire naabaasa kumuzibira. "Iwe Mwana wa Daudi, ngirira embabazi!" N'ahabw'ekkyo yaayamuza n'eiraka rihango arikusherura n'omutima gwe gwona.

82 Kandi Omwana wa Ruhanga, ayekoreire ebibi by'ensi aha mabega Ge, naaza Yerusaalemu kuheebwayo nk'ekitambo, obwire obwo, ekitambo ahabw'ensi, Akeemerera ahonaaho. Okusherura n'omutima gwona, okutaka kw'omuntu w'enaku, kukatuma Omwana wa Ruhanga yaayemerera. Yaagira ati, "Nooyenda ngu Nkukorere ki?" Oo!

Yaagira ati, "Mukama, niinyenda ngu mpumuukye."

Yaagira ati, "Irooko, okwikiriza kwawe kwakukiza."

Ekyo kikaba nikimara. Okusherura n'omutima gwona! Okusherura n'omutima gwona kwaba kuri okw'okutunga ekintu, okukwataho mpura munonga, okwikiriza nikukijakura. Mwareeba? Taragizire ati, "Hati rindaho edakiika, rindaho edakiika, b'orekyeire aho edakiika emwe, ka ndeebe yaaba nimbaasa kureeba hati. Tinkareebaga engaro zangye, okumara emyaka mingi. Ka tureebe yaaba nimbaasa kuzireeba. Tihariho eki naareebire." Yesu ku yaagizire ati, "Okwikiriza kwawe nikwo kwakukiza," ekyo kikaba nikimara. Nikyo ekyo kyonka eki yaabaire naayenda.

83 Okusherura n'omutima gwona nooyetenga ekintu nanka, kandi ekintu nanka ekyo, n'obu kyakuba kiri hare kita, kyayakiirwa, obwire obwo bwonyini kiikirizibwa, ahabw'okuba okwikiriza nikuhama okusherura n'omutima

gwona kwaba nikukitsindika. Mwareeba? Rukundo erimu ejwangana n'okwikiriza reero kukiuhayo. Okusherura n'omutima gwona nikukikora.

Batimaayo empumi akatunga okworekwa jubajuba.

Petero, weena akakyamukirira, ekiro kimwe aha Nyanja, ku yaatandikire kusherura n'omutima gwe gwona. Reero yaatandika kutaka ahaw'b'obwoba ati, "Hariho ekishobire. Nindeeba omuzimu nigwija, nigutoora ahi ndi!" Obwato bukaba buri haihi kutobera. Yaagira ati, "Mukama, ku oraabe ori iwe, ndagiira nyije ah'Ori ningyendera aha maizi." Atyo yaaruga omu bwato reero yaatandika; kwonka ku yaatandikire yaakwatwa obwoba, reero yaatandika kutobera, kandi okusherura n'omutima gwona . . . N'obu eraabe eri enshobe, omu kugyezaho kukuratira ebiragiro bya Ruhanga, . . . ka nyesigye ngu ekyo ekanisa yaakitunga. Ogwo mushaija akaba naakora eki Ruhanga yaabaire yaamugambira kukora.

84 Hati, imwe Bakristaayo 'mwe ekiro eki, muri aha murimo gwanyu gw'obujunaanizibwa, nimugyezaho kukuratira okwebemberwa kw'Omwoyo Orikwera; kwonka ekoekoro yaabawkwata, nari oru-orufu rwabajakura, ekoekoro, akakonko, eki kiri kyona. Aha murimo gwawe gw'obujunaanizibwa, oine obugabe nk'obu Petero yaabaire aine.

"Mukama, njuna, kitari ekyo naaza kuhwerekyerera." Omu kusherura n'omutima gwona yaayamuza, reero omukono gwarugayo gwamukwata gwamwihayo. Oine ekintu nikyo kimwe. Kwonka akataka n'eiraka rihango ati, "Mukama, njuna!"

Akahurira okutaka kw'okwagirirwa kwangye,

Yankiriza yaanyiha omu maizi, mbwenu hati ndi buhooro. Mwareeba?

Nikyo ekyo, waataka munonga!

85 Shana omukazi ogu, omukazi omuzaire, eki kyabaire kiri kyona ahariwe, omwana omuto, nari omwijkuru, nari omwihwa, eki kyabaire kiri kyona, akataka munonga naayagirirwa. Ruhanga yaahurira.

Kandi nitureeba ngu, omu kutobera, Ruhanga akamuhurira. Ari aha murimo gw'obujunaanizibwa, akatandika kutobera. Akaremwa. Ti nshonga n'obu waakuremwa, ekyo tikiine kakwate nakyo. Twena turemwa. Turi abantu abarikuremwa, okubanza kwa byona. Kwonka twine Omwe oyemereire hati n'omukono gw'amaani, Orikubaasa kugorora omukono gwe akatwiha omu maizi.

Ku oraabe waakozire enshobe, omukazi nanka yaakozire enshobe, omushaija nanka yaakozire enshobe, omwojo nanka nari omwihiki yaakozire enshobe; otatobera. Taka n'eiraka rihango, orikusherura n'omutima gwawe gwona oti, "Mukama, njuna, kitari ekyo naaza kuhwerekyerera!" Kisherure n'omutima gwawe gwona. Ruhanga naija kukuhurira. Burijjo ahurira omuntu orikusherura n'omutima gwe gwona. Ekyo nikyo ndikugyezaho kukugambira.

86 Mukama waitu omukundwa Yesu, We wenka, omu mwanya gw'orugamba ogurikukirayo omu nsi, Gesesemaani, Akataka n'eiraka rihango, omu kwagirirwa. Ayekorere ebibi by'ensi, nari agume omu nsi n'abeegi Be abakundwa, Akaba naayenda kukora ki? Kwonka yetegyereze obucureezi Bwe oku Yaabaire Naayegarura ahansi, "Kirekye kuba nk'oku ndikwenda, kureka nka Iwe oku Orikwenda," Akeecureeza aha Kigambo, Ekigambo ekyaraganisiibwe kya Ruhanga w'Eiguru.

Yetegyereze, obwo, Akairirayo kakye omu maisho. Kandi ku Araabe yairiireyo kakye omu maisho, obwo naitwe tushemereire kwirirayo kakye omu maisho n'okukiraho. Mwareeba? Kandi yetegyereze, Ekyahandiikirwe hanu nikigira kiti, omuri Luka, ngu Akeezirika kushaba. Ow'eishe-emwe, ow'eishe-mwekazi, Yesu ku kiraabe kyamwetaagiise kushaba n'obweziriki bwingi, obwo naitwe tushemereire kushaba n'obweziriki oburikukiraho. Kristo, Ruhanga w'Eiguru, owaabaire omuntu, ku kiraabe kyamwetaagiise kushaba n'obweziriki bwingi, obwo naitwe nikwtetaagisa n'okukiraho, itwe abasiisi abaajunirwe ahaw'b'embabazi, kushaba n'obweziriki bwingi! Okucwamu ku-ku kuraabe kwatumire Omwana wa Ruhanga yaayagirirwa, kishemereire kukora ki ahariwe naanyi? Nituteekwa kutaka n'omutima gwona.

Ruhanga, omu biro ebi by'aha muheru, atweyorekire atyo, okurabira omu bumanyiso Bwe bukuru n'amaani, kishemereire kutuma twasherura n'omutima gwona. Ekyo kihikire. Kandi Ayeteekateekire kutukiza n'okutujuna, kishemereire kutuma twena twasherura n'emita yaitu yoona kuhika aha Ibaare eryo eririkutamba. Ekyo kihikire.

87 Reeba, kuri Florence Nightingale . . . Omwihiki omwijkuruza w'omugyenzi Florence Nightingale owaatandikire ekibiina ky'Omusharaba Ogurikutukura. Mukareeba ekishushani kye omu kitabo, akaba aine nk'oburemeezi bwa raatiri makumi ashatu. Ekoekoro ekaba emuriiriire kimwe. Omuri London, Bungyereza; bakamwiha Afrika, baamureeta London, Bungyereza. Reero okwo omu kusherura n'omutima gwe gwona . . . Ow'eishe-emwe Bosworth akamuhandiikira naagarukamu ebaruha ye, yaagira ati, "Titurikubaasa kwija Afrika."

Yaahandiika naagarukamu, yaakoresa naasi kuhandiika kandi yaagira ati, "Tibarikubaasa kuunyiha ahu ndi. Tindikubaasa kukikora."

Yaayoreka ekishushani ekyo. Ekyo kishushani mukakireeba. Eki twakozire kyonka n'okutaho akatambaara kakye. Kikaba kiineho akagoye kakye okwehinguririza. Naateekateeka ngu obundi omuntu, ku twakukita omu kitabo, naabaasa kukigambaho kubi ahabw'okuba ogwo mukazi akaba . . . omubiri gwe gukaba haihi gutaineho omwenda gwona, ku . . . n'ahabw'ekyo twamutaho akantu kakye hanu. Akaba aine-aineho akatambaara kakye, akataahuro kakye kamushwekire aha, aha manyaanya. Kwonka okugaruka eruguru, tihaine ekyabaire kirih. Kandi nangwa . . . Kwonka tukateekateeka ngu tuteho akapapura kakye reero tukiteere ekishushani . . . ekyo tukiteere ekishushani. Nikituma abantu abaine obwonko obutarikuteekateeka kurungi, batandeebamu enshobe y'okuta ekyo kishushani omu rupapura rw'amakuru.

88 Reero dokita ku yaagizire ngu akaba atarikubaasa kwihwa ahu yaabaire ari, kandi ku yaamanyire ngu niinyija kutaayaayira Bungyereza, akashaba ngu bamute aha katanda k'abarwaire, kandi bamute omu nyonyi, bamureete London, Bungyereza, kandi baatumma omurinzi aha nyonyi ntakagiire omu Kikaari kya Buckingham, baatumma omurinzi aheeru okwo kwija kumushabira. Kandi akaba ahwerefremu kimwe okuhitsya obu yaabaire atakibaasa n'okugamba naanye. Kikeetaagisa kumukwata omukono bakagwimutsya kugira ngu bagute omu gwangye.

89 Nimumanya oku London eri, bamwe ahariimwe abaserukare muragiireyo. Etuura eine ekiho kingi. Reero naatsimba amaju aho aha rubaju rw'ediirisa, kandi ya . . .

Emiziga ekaba neeragara. Ogwo mukazi akaba naayenda ku . . . Tindikumanya n'oku yaatungire amaizi agarikugasha kutuma emiziga yaija. Gakaba gari amagufa gonka, akabiri kakye aha magufa; kandi amagaru ge-ge eruguru hanu aha manyaanya gakaba gatarikuhika nka, ahariinye gakaba nigareebeka, nka inci ibiri zonka obugazi, nari inci ishatu. Emitsi ye ekaba yaaremire kukora. Oku yaabaire naabaho, tindikumanya. Mukareeba ekishushani kye bwanyima.

90 Nkatsimba amaju ahansi aha rubaju rw'ekitanda. Hati, akaba naasherura n'omutima gwe gwona; yaaba naabaire ninza kwija nari ngaaha, bakaba nibaza kumureeta, oku biri kwona. Reero naaza aha maju aho, omutima gwangye gukaba nigujwera omunda, ahabw'okwikiriza kw'ekihangirwe kikye ekyo, enshoberwa, ekirio nikifa, n'ahabw'ekyo naashaba n'omutima gwangye gwona. Kandi ku naatandikire kushaba, enkombe nkye yaija, yaagurukira aha dirisa, yaatandika kugyenda neenyegyera neeshuma, neegamba. Naateekateeka ngu n'e batungire. Nkaba ntakamazire eshaaha omuri Bungyereza, nkaba naaheza nti kuruga aha kishaayi ky'enyonyi eifo okwo. Reero naateekateeka ngu n'e batungire. Kandi ku naimukire, kandi naagira nti, "Amiina," yaaguruka yaagyenda.

Reero naatandika kubuuza ab'eishe-emwe abo, ku baraabe baahurira egyo nkcombe. Kandi bakaba nibagigambaho, reero ku naatandikire kugira nti, "Mwayetegyereza eki enkombe egyo yaamanyisa . . ." Haija, "OKU NIKWO MUKAMA ARIKUGIRA, noija kukira kandi torikwija kufa."

Kandi eriizooba ogwo mukazi ahuriire. Ahabw'enki? Okusherura n'omutima gwona. Okusherura n'omutima gwona kukatuma ogwo mukazi yaayemerera ahamire, kukira nari kufa. Okusherura n'omutima gwona kukatebeekanisa ngu ahikireyo omu bwire nibwo bumwe obu naahikirayo. Kandi akamanyiso okuruga ahari Ruhanga, Akoohereza enkombe, kuha OKU NIKWO MUKAMA ARIKUGIRA. Okusherura n'omutima gwona!

91 Obu Ow'eishe-emwekazi, omukaikuru Hattie Waldorop owa Phoenix, Arizona, akaba naija ari omu kahanda k'aha rubaju rw'oruguuto rw'omu rurembo, omu ruteerano rwangye rw'okubanza. Omushaho owaabaire naakitendekwa hamwe na iba bakaba nibamureeta; ekoookoro y'omu mutima. Akaba acwiremu, omu kugyezaho kuza omu ruteerano, kwonka akaba ari kubi munonga akaba na . . . akaba atakibaasa kwitsya bundi, eshagama ekaba neegaruka enyima omu mutima gwe ahu ekoookoro yaabaire eriire omu mutima gwe. Hati, ekoookoro y'omu mutima! Ekyo kikabaho nk'emyaka ikumi na munaana, ikumi na mwenda ehangwire, obundi makumi abiri, 1947 nibwo kyabaho.

Hati, akagambira iba n'omushaho ogwo orikutendekwa ati, "N'obu naakufeera omu runyiriri oru, mugumizemu muntware eruguru kuri." Okusherura n'omutima gwona. Yaagwa kihuuumura. Tindikuteekateeka ngu akafa; we naagira ngu akafa. Hati, naabaasa kuba yaakabire. Naabaasa kuhurira orutambi rw'amaraka oru, nimureeba. Hati ni-ni-ni . . . Uwe, akagira ngu akaba yaafa; tindikumanya. Bakangambira ngu, "Hariho omukazi ofire ou barikureeta omu runyiriri." Kandi omukazi ogwo ku baamureetsire, akaba afiire. Kandi ku baamureetsire eruguru aho, Ekigambo kya Mukama kyaija; reero naagyenda kandi naamutaho engaro, kandi yaimuka kandi yaataaha omuka, naatambura. Hahingwireho, nimbaasa kugamba, ntarikubanganisa ngu ni nk'emyaka ikumi na munaana, kandi aine amagara marungi kandi ashemereirwe buzima . . . Naija kuba ari Tucson kumbuguna ku ndaaazeyo. Okusherura n'omutima gwona, "N'obu naakufeera omu muhanda, nabwo, kwonka muntwareyo. Akatambira abandi, naanye Naija kuntambira." Ayeekundiire!

92 K'emitima yaitu ejure rukundo ebiro ebi, kandi twezirikire kimwe, kandi tusherure n'omutima gwona. Ahanyima y'akaanya kakye obwire nibubaasa kuba butakirih.

Yairo rimwe akaba aine omwishiki muto owaabaire ari haihi kufa. Akaba ari omwikiriza w'aha nyatano. Akaba naikiriza Yesu, kwonka akaba naatiina kukyatura, ahabw'okuba bakaba nibaza kumubinga omuri sinagogi. Kwonka dokita yaija akasheeshe kamwe, kandi yaagira ati, "Hati ariyo naakaba." Okusherura n'omutima gwona kwatandika. Akaba atarikubaasa kukyemera, ahabw'ekitiinisa kye, kureebwa ari na Yesu owa Nazareesi,

ahabw'okuba akaba naija kubingwa aha murimo gwe nk'omunyamurwa.

Kwonka nimbagambira, ku haabaireho ekirikwetengwa kukorwaho ahonaaho, kikatuma yaatandika kusherura n'omutima gwona. Nimureeba naasherura ekooti y'omubuurizi ye nkye n'enkofiira, kandi yaagijwara n'obwira. Yaija yaaraba omu nkuyanja y'abantu, naamigisiriza; ahu omukazi yaakozire aha kijwaro Kye kwonka, n'ebindi, kandi boona bakaba nibateera orwari. Kwonka akataahamu kandi yaagira ati, "Mwegyesa, omwishiki wangye omuto abyami ari aha newamba za rufu kwonka ku Oraije okamutaho engaro Zaawe, naija kukira." Oo, mugyenzi! Okusherura n'omutima gwona obumwe n'obumwe kutuma waagira ebi waagamba, kutuma waagira ebi waakora. Kukureetera kukora. Omwishiki we akajunwa ahabw'okusherura n'omutima gwona.

93 Ka tusherure n'omutima gwona, nk'ogwo mukazi mukye owaabaire arwaire ekyejwiso. Baiburi neegira ngu akaba yaamariire sente ze zonna, omu bafumu, kwonka nabwo tibaabaasa kumuhwera. Akaba yaatandikire omu bunaku bw'okureka kuza omu kwezi, yaajwera kimwe, kandi ekyejwiso, kandi kyayanga kwoma. Obundi bakaba baagurize ekibanja, enyumbu, embaraasi, n'ebindi byona; kwonka tihaagira ekyayamba ogwo mukazi. Kandi abanyamurwa baabo bakaba baamugambiire kutariza haihi n'ekintu nk'ekyo. Kwonka akasheeshe kamwe akareeba eifo. Akaba atwire aha nkungu, eruguru ei ekibanja kye kyabaire kiri, kandi yaareeba enkuyanja y'abantu neeyehinguririza Omushaija eifo okwo, kandi baagira bati, "Kiri niki?"

Bati, "Oriya ni Yesu owa Nazareesi." Okusherura n'omutima gwona kwatandika.

Ogwo mukazi yaagira ati, "Ndi nk'otaine omugasho. Ni-ni . . . N'obu naakukora aha mukugiro gw'ekijwaro Kye kwonka, nkaakira." N'ahabw'ekyo yaaraba ahari buri muhakani na buri kimwe kyona. Kwonka yaahika aha mwanya ogwo, Yaakora aha kijwaro Kye, omu kwagirirwa.

Kandi ku Yaakozirweho, Yaahinduka kandi yaagira ati, "N'oha Owankoraho?" Kwonka boona baayehakana. Kwonka yaareeba oku n'oku. Akaba aine ekiconco kya Ruhanga kikuru. Akaba ari Ruhanga; reero Yaareeba ogwo mukazi mukye kandi yaamugambira ngu ekyejwiso kye kyakira. Okwagirirwa kukatuma yaakora ekyo.

94 Okusherura n'omutima gwona nikwo kwatumire omugabekazi w'eihanga ery'Obukiizi-bwa-buryo yaarugayo-yaarugayo. Akahurira ngu ekiconco kya Ruhanga kikaba nikikorera omuri Sulemaani. Okusherura n'omutima gwona kukatuma yaasherura ekyo.

Okusherura n'omutima gwona! Abo n'abantu, abarikuhushana naiwe, naanye. Bakaba bataine mutaano gwona ahariiwe naanye. Bakaba baine ebihurikizo bitaano. Bakaba barya, kandi banya, n'ebindi, nk'oku tukora, kubaho, n'okufa. Bakaba bari abantu.

Kikamureetera kusherura n'omutima gwona okuhitsya obu yaaretsire ekicweka ky'ebintu by'omu bugabe bwe. Kikamureetera kuhika ahu atarateekateekire aha Baishimaeli abaabaire nibaza kumwambura omu ihamba, ebilo makumi mwenda ari aha mugongo gw'engamira naaraba omu nsi y'Omushyeenyi ya Sahara. Okusherura n'omutima gwona! Naagyenda, n'obu kiraabe. Kandi ku yaahikireyo, tihariho kigambo na kimwe ekyayeshobire Sulemaani kureka akamugambira ebintu ebi yaabaire naayenda kumanya. Okusherura n'omutima gwona! Yesu akagira ati, "Aryayemerera n'ab'ebiro ebi, aha Kiro ky'Orubanja, kandi arubasingise, 'habw'okuba orikukira Sulemaani akaba ari aha." Okusherura n'omutima gwona!

95 Omu kuhendera nimbaasa kugamba eki. Enshumi nkye echingwire, eifo omuri Mexico, nkareeba ekintu ky'enaku. Nkahika aha kadaara, okwo omu kishaayi ky'emizaano kihango, kandi abantu bakaba baahikireyo shaaha ishatu z'ako kasheeshe, mbwenu hati zikaba ziri haihi kuhika shaaha ina z'ekiro ekyo. Omugurusi empumi, ekiro ekyabandiize ekyo, ahumiire kimwe okumara nk'emyaka makumi ashatu, akareeba, kandi eizooba eryo akaba naangyendagyenda omu rurembo, naaha obujurizi. Ekirundo ky'ebijwaro ebikuzire, kiri aho bitungikiraine obundi nka yaadi makumi ashatu, nari makumi ana, nikingana nka hanu okuza ahaiguru, ebitambaara by'aha mutwe ebikuzire by'abakazi. Hakaba hariho obundi nk'abantu emitwaro ena, etaano aho. N'enkofiira ezikuzire hamwe n'ebitambaara by'aha mutwe by'abakazi, bakama baabyo, ningira ngu ekyo bakaba nibaza kukiikirizanaho bo bonka. Kandi enjura ekaba neeyeshuka.

96 Kandi bampa omugoye naagukwata naagushuumiraho, aha kisiika, nt yo naahika aha kadaara. Omuheereza . . . Omushaija oshutami hanu, bakamureeta . . . We na muhara we nibwo baaheza kuruga Michigan edakiika nkye ezaahwaho, baagamba aha W'eishe-emwe Arment. Nitumwijuka hanu. Ari omu nguuto z'omu Iguru ekiro eki. Ow'eishe-emwe Arment akaba ariyo, kandi yaajuuramu kabuuti ye, reero yaayemerera omu njura, kandi yaagiha Ow'eishe-emwe Jack Moore ngu agijware, 'habw'okuba Jack akaba naatetema. Ogwo mutuurgaye w'omu mashuumma akaba ari haihi kwitwa obufuki omuri egyo njura erikufuka okwo omuri Mexico. Kandi akaba ayemereire aho.

Reero Billy Paul yaija ahi ndi, mutabani wangye, reero yaagira ati, "Taata, nooteekwa kugira eki waakora. Hariho omukazi wa Mexico mukye eifo kuri oine omwana ofiire owaafa akasheeshe aka. Tiinyine abahwezi abarikugasha kumuzibira kuruga omu runyiriri." Okuta engaro aha mpumi eri ku kuraabe kutumire yaahumuuka, okuta engaro aha mwerere we ofiire nikwija kumuzoora. Ogwo mukazi akaba ari Omukatoriki. Kandi, ogwo mukazi, bakaba batarikubaasa kumuzibira kwija omu maisho.

Kandi Ow'eishe-emwe Espinoza hamwe n'abandi bakaba baagambiire ogwo mukazi ngu, "Titwine ezindi kaada z'ab'okushabirwa. Noija kutegyereza okuhitsya aha kindi kiro."

97 Ogwo mukazi yaagira ati, "Omwana wangye afiire. Yaafiire akasheeshe aka. Nintekwa kuhika hari." Kandi akaba ariyo naija, yaaba aine kaada y'okushabirwa nari atagiine. N'ahabw'ekyo baata abahwezi nka magana ashatu omu runyiriri aho. Kwonka akaba araba ahansi y'amaguru gaabo, kandi aguruka munonga araba ahaiguru y'emigongo yaabo, kandi airuka n'ogu mwereere ofiire, reero abagwamu. Kikaba kitaine entaaniso yoona ahariwe; akaba naagyezaho kuhikaho. Akaba naasherura n'omutima gwe gwona. Ruhanga akaba agambire n'omutima gwe, ngu, "Ruhanga orikubaasa kuhumuura empumi, naabaasa kuha amagara." Oo, mugyenzi! Akaba naasherura n'omutima gwona. Hariho ekyabaire nikyaka omunda ye.

98 Oo, imwe bantu 'mwe abarwaire, ku muraikirize ekyo kikaaka omuriimwe ahawb'edakiika nkye, reero mukareeba ekiraabeho, okusherura n'omutima gwona nk'okwo. Ruhanga obaasize kukiza omwojo muto ogu ekiro kiri, naabaasa kukiza oriya mukazi orwaire ekookoro, akize omushaija ogu, kandi akore eki, Omukyara Florence Nightingale, oo, enkumi n'enkumi! We, ngu, obuhame obutarikubaasa kuhakanisibwa; okuzoora abafu, n'okukiza abarwaire, na buri kimwe kyona. Ku araabe Ari Ruhanga, naabaasa kukora ekyo; Ni Ruhanga nyomwabazyo, Ni Ruhanga n'eriizooba. Sherura omaririire, obwo noija kugira ekyakukorerwa.

99 Reero, omuri okwo kusherura n'omutima gwona, ogwo mukazi yaaguma naayataguza. Naagambira Ow'eishe-emwe Jack Moore, naagira nti, "Tarikuumanya. Takandeebaga. Tarikumanya ori aha kadaara eruguru hanu. Ogwo mukazi mukye w'Omukatoriki, hati, tarikubaasa kugamba ekigambo ky'Orungyereeza na kimwe, mbwenu naamanya ata omuntu weena?" Naagira nti, "Shuumma, kandi oshabire omwerefere ogwo, kandi ekyo nikiza kumuhuumuriza, reero naija kugyenda." Nti, "Kandi tikirikwija kureetaho . . ." Eifo aho rukaba ruri orwari orutarikuhwa. Akaba agurukira ahaiguru, reero buri omwe ayombera ahaiguru. Akaba airuka araba ahaiguru y'amabega gaabo, reero agwa rwagati yaabo. Akaba abaasa kwirira omu maisho efuuti nkye, reero bagyezaho kumugarura enyima aheeru; kwonka ngugwo araba rwagati y'amaguru gaabo, akwatsire omwerefere ogu, ateganisa abahwezi na buri kimwe kyona. Kikaba kitaine entaaniso yoona, akaba ariyo naija aho. Akaba naateekwa kuhikaho! Kikaba kitaine ntaaniso yoona eki kyabaire kiri, akaba naateekwa kuhikaho. Omuheereza aka . . .

100 Hati ekyo ti nk'ekitebyo ky'omukazi wa Shuneemu? Entaaniso yonka, ekyo tikirabaireho emyaka enkumi ishatu na magana ataano ehwire. Ekyo kikabaho nk'emyaka eshatu, nari ena ehwire. Mwareeba?

Nibabaasa kushushana ekiro eki. Okusherura n'omutima gwona okwo ku kurikutandika, nibitsindika rukundo n'okwikiriza eruguru okwo omumaisho omu rugamba, kwihayo eky'orikwetenga, ahawb'okuba n'okuraganisa kwa Ruhanga ngu noobaasa kukitunga. Ekyo kihikiire kimwe.

101 Nkahinduka; nyowe, omuheereza, nari omubuurizi w'engiri y'aheeru aha mwanya ogwo. Naahinduka. Nkahurira ogwo mukazi naamwitirwa embabazi, kwonka omuriinye hatarimu okusherura n'omutima gwona. Mwareeba? Nkahinduka reero naateekateeka nti, "Mpaho, Ow'eishe-emwe Jack naija kumushabira, kandi ekyo-ekyo nikimara." Naahinduka. Naagira nti, "Nk'oku naaba ningamba hati, okwikiriza . . ."

Reero naimutsya amaisho naareeba aheeru okwo, kandi hakaba hariho okworekwa. Naareeba omwerefere mukye ari aho, omwerefere mukye w'obuso oburikwiragura, Omunyamexico otaine amaino. Akaba nanshekyera, ari aheeru aho. Naagira nti, "Mube murekireho kakye. Mube murekireho kakye." Okusherura n'omutima gwona kw'ogwo mukazi kukatuma Omwoyo Orirkwera yaahindura eishomo ryangye, yaahindura amaisho gangye kandi yaanyoreka omwerefere we ari aho. Ekyo kyatuma Omwoyo yaija. Naagira nti, "Mube murekireho kakye. Mube murekireho kakye. Mundetere ogwo mwerefere."

Ogwo mukazi ngugwo yaija, aine burangiti nkye ya bururu na mutare, ejubire, erikutoonyookamu amaizi, harimu omurambo mukye, ogurikwingana batyo oburaingwa. Yaagwa ahansi, akwatsire akasharaba omu ngaro ze, nari esapuri, kugira ngu agambe za "kasingye Mariya." Naamugira nti, "Ginagye kuri, egoy terikwetengwa."

Reero yaija haihi n'ahu naabaire ndi, kandi yaagambira ahaiguru kandi yaaborooga ati, "Padiri," ekirikumanyisa, "Faaza."

Naagira nti, "Ekyo otakigamba. Ekyo otakigamba. Noikiriza?" Kandi ogwo w'eishe-emwe yaabuuza ogwo mukazi omu rurimi rwa Spanish, ku araabe yaabaire naikiriza.

"Eego," ogwo mukazi akaba naikiriza. Yaamubuuza oku yaabaire naaza kwikiriza. Yaagarukamu ati, "Ruhanga ku araabe naabaasa kuhumuura oriya mugurusu, naabaasa kuhimbuura omwerefere wangye." Amiina. Okusherura n'omutima gwona kukatuma ogwo mukazi yaakihikaho. Nyowe ntaine kakwate koona nakyo; nkareeba okworekwa kwonka.

Naagira nti, "Mukama Yesu, naareeba okworekwa kw'omwerefere mukye, naabaasa kuba ari ogu."

Nk'obwire obwo ogwo mwerefere yaashambaguza amaguru, yaatandika kugira ati, "Waa! Waa! Waa!"

Naagira nti, "Kuratira omukazi ogu owa dokita. Otungye ekiha- . . . ebaruha ehandiikirwe okuruga ahari

dokita, 'Ogwo mwereere akafa,'” Kandi dokita ogwo akahandiika ekihandiiko ekirikugira ngu, “Okwitsya kw'omwtereere ogwo, omutima gwe gwareka kuteera akasheeshe aka, omu ofiisi yangye shaaha ishatu, yaitwa endwara y'ekyemerero ky'amaani n'orukororo.” Oo, ogwo mwereere n'ohuriire omuri Mexico ekiro eki, okurugjirira aha kumanya kwangye. Ahabw'enki? Okusherura n'omutima gwona kukatandika omu mutima gw'omukazi omuzaire mukye, naatakira omwana we, owaabaire aherize kureeba Ruhanga naakora . . . naatambira amaisho g'omushaija empumi, n'ahabw'ekyo yaamanya ngu Naabaasa kuzoora omwana we ofire.

102 Okusherura n'omutima gwona! “Ku murinsherura n'omutima gwanyu gwona, obwo Ndyabahurira.” Mwareeba?

Obukama! “Ebiragiro na baanabi bikaba biriho okuhitsya omu biro bya Yohaana. Okuruga obwo, enkuru nungi ey'Obukama bw'omu Iguru eburiirwe, kandi abantu Babutaahamu n'amaani.” Torikufa kwemerera aho haza okagira oti, “Kwata ekitogi kyangye onyimutsye, Mukama, ntsindika Ontaasyemu.” N'obutaahamu n'amaani. Noosherura n'omutima gwona, rwagati y'Amagara n'okufa.

103 Kuri nyine obwire bw'okubagambira ekindi ekyabaireho, eki naaba ninEEKATEEKaho hati hati, omukazi, omwishiki, owaatoire omu muhanda mubi, kandi n'oku yaashaziremu kutandika busya kaingi n'ebindi, okuhitsya obu naagizire nti, “Ow'eishe-emwekaza . . .”

Akaimuka yaagira ati, “Ni-niinyikiriza ngu niinyija kuba kurungi.”

Naagira nti, “Ngaaha, ngaaha! Guma aho.”

Bwanyima, ekintu ky'okubanza noomanya, yaatandika kushaba mporampora, reero bwanyima yaashaba munonga kandi yaayeyongyera munonga. Ahanyima y'akaanya kakye yaatandika kusherura n'omutima gwona, yaagira ati, “Ai Ruhanga, Njuna!”

Ekibiina ekirikubuganisa Abasinzi kugira ngu barekye amhaarwa kikaba kitarikubaasa kumutambira. Tihariho ekindi kyona ekyabaire nikibaasa kukikora. Kwonka ago maisho mahango, agarikwiragura gakandeeba, n'emiziga neeragara aha matama ge; yaagira ati, “Hariho ekyabaho.” Oo, yee! Eego, sebo! Hariho ekyabaireho. Ogwo mukazi akasherura n'omutima gwona.

Eki reka tukisherure n'omutima gwona; rwagati y'okufa n'Amagara.

Ku oraabe otarikubaasa kusherura n'omutima gwona, otaija omu runyiriri hanu. Waaba nookusherura n'omutima gwona, ija hanu kandi orebe, no-noija kukitunga ahonaaho waahika hanu.

104 Ka tushabe. Omu kusherura n'omutima gwona tegyereza Obukama bwa Ruhanga, Nibuza kukwijaho.

Tataitwe ow'omu Iguru, Ninkushaba omu Iziina rya Yesu, tugirire embabazi, Mukama. Kandi omuriitwe otandikyemu okusherura n'omutima gwona. Ai Mukama Ruhanga, tugirire embabazi, ninshaba, kandi otume abantu aba Baakusherura ekiro eki bamaririire n'emitima yaabo yoona. Nitumanya ngu Ori hanu, Mukama. Tohinduka, oku Obaire ori nyomwabazyo n'eriirooba nikwo ori, kandi nikwo origuma ebiro byona.

Mbwenu hati k'abantu aba abaine Akamanyiso, kworeka ngu baaherize kuruga omu kufa baataaha omu Magara, bahindukire baaruga omu magara aga ira ag'ensi baataaha omu masya. Bagataahiremu. Eshagama etairweho; mbwenu, Ruhanga, bahe akabonero k'Akamanyiso. Ninshaba ngu batware ako Kamanyiso omu ngaro zaabo, abo abarwaire, bagire bat, “Ndy'omuntu ou Ruhanga yaashashurii. Ndy'omuri Kristo, kandi Omuriwe tiharimu oburwaire. Ndy'omuri Kristo, kandi Omuriwe tiharimu ekibi. Ndy'omuri Kristo, kandi Omuriwe tiharimu obutaikiriza. Naayanga byona ebi sitaane yangambiire. Nintwara Akamanyiso kangye aku . . . 'Akahutaazibwa ahabw'ebi'okushiisha byangye; Yaahondahondwa ahabw'okutahikiirira kwangye; okuteerwa kw'okundeetera obusingye Niwe yaakuteirwe; kandi emihiririzi Ye niyo yankirize.' Mbwenu hati nyine Akamanyiso, kworeka ngu Ruhanga naamanya, ekyo kigyendererwa, Omuntu, nkagurwa Eshagama ya Mukama Yesu. Kandi nyine Akamanyiso k'okufa Kwe omu ngaro zangye, ahabw'okuba Akagaruka yaazooka, mbwenu ndy'Owe Nawe n'owangye. Ningyenda n'okwikiriza okuhamire, ngu okuruga ekiro eki n'okugumizamu, niinyikiriza Ruhanga, kandi niinyija kukira ku ndaahikyeho kandi nkahikiiriza ebirkwetaagisibwa.”

Ahabw'okuba, ebigambo by'aha muheru ebyarugire omu kanwa Ke, bikaba biri ebi, “Ku barita engaro aha barwaire, baryakira.” Kikore, Mukama. Ninshaba ngu okusherura n'omutima gwona kutandikye, ahakuba naakishaba omu Iziina rya Yesu. Amiina.

Nimbaasa, niinyija, niinyikiriza;

Nimbaasa, niinyija, niinyikiriza;

Nimbaasa, niinyija, niinyikiriza

Ngu Yesu yankiza hati.

Oo, nimbaasa, niinyija, niinyikiriza;

Nimbaasa, niinyija, niinyikiriza;

Teekateeka kwonka, "Mpamize!"

Nimbaasa, niinyija, niinyikiriza

Ngu Yesu yankiza hati.

105 Ekyo nimukiikiriza? [Abateeraine baagira bati, "Amiina." -Omur.] "Mpamize! Mpamize, ahabw'embabazi za Ruhanga, ku ntaraarekye okuhitsya obu ekyo Kintu kirampikyeho. Kandi ninza eruguru hari kugira ngu banteho engaro."

Hati, Ruhanga takatuhemukiraga. Kandi niinyikiriza ngu Omufumu omukuru hati ari haihi. Niinyikiriza Ruhanga owaahandiikire ekyo Kigambo, niinyikiriza Ruhanga owaataireho ekitambo, niinyikiriza Akamanyiso ka Ruhanga akarikutushemeza kakatwhaho ekibi ekiro eki, Akamanyiso, Amagara Ge gonyini, gari hanu naitwe. "Ndyaba ndi naimwe, okuhitsya obu ensi egi erihwaho. Hatsigaire omwanya mukye ensi Okutandeeba bundi, kwonka imwe Muryandeeba, ahakuba Ndyaba ndi naimwe, nangwa n'omuriimwe, okuhitsya obu ensi egi erihwaho." Ekyo nimukiikiriza? [Abateeraine baagira bati, "Amiina." -Omur.] Nimwesiga. Niinyikiriza ngu Naija kukikora. Naimwe tikwo? ["Amiina."]

106 Hati, ahonaaho naatandika ekyo, nindeeba okworekwa kwaija, amiina, okworekwa kukuru kwa Mukama, okurikugamba ebuntu bikuru. Amiina! Ekyo ku ndakitandikye, nitwija kumara hanu ekiro kyona. Nimuza kukiikiriza? Nimwikiriza? Amiina! Ninkiikiriza n'omutima gwangye gwona.

Omukazi mukye oshutami hari aha rubaju rw'Ow'eishe-emwe Palmer, n'omugyenzi ahariinye. Naaruga Georgia, kandi arwaire ekyejwiso. Ku araikirize ngu Ruhanga naija kumukiza, Naija kukikora. Ogwo mukazi tinkamureebaga omu magara gangye, kwonka ogwo nigwo murabanamu gwe.

Oriya mukazi mukye, tindikumanya yaaba arahuriireho Obutumwa obu, nari atakabuhuriraga, kwonka ku naaba nimbuurira hanu, naamureeba. Iwe kiikirize kwonka reero oreebe ekyo ku kiraabe kihikire. Amiina. Kuri nimwikiriza kwonka! Ekyo kihikire.

107 Oriya mukazi oshutami enyima hanu honyini naashaasha omugongo, arwaire munonga, eiziina rye ni Muky. Wisdom. Ku oraikirize n'omutima gwawe gwona, Yesu Kristo naija kumukiza. Ogwo mukazi tinkamureebaga omu magara gangye, kwonka ashutami hari, naabonabona. Ajwaire ekiteeteeyi kya kinekye. Ekyo kihikire? Kare. Nitumanyana? Eego. Kare, sebo. Taaha, okire. Yesu Kristo yaakukiza. Amiina.

Ondijo mukazi owaheza kukwata ekyo, okushaasha omugongo, ashutami enyima hanu. Naashaasha omugongo. Aine omwojo, kandi ogwo mwojo arwaire omutwe. Ahaa. Ekyo kihikire. Muky. Parker niryo eiziina rye. Ikiriza n'omutima gwawe gwona, reero Yesu Kristo naija kubatambira mwembi. Amiina! Titurikumanyana. Ekyo kihikiire kimwe. Amiina! Ikiriza n'omutima gwawe gwona.

108 Hanu hariho omugurusi oshutami enyima hanu naaruga Michigan. Aine omurabanamu omu matu ge. Oo, naateekateeka amaraka, omurabanamu gw'omwoyo. Ekyo kihikire? Noikiriza ngu-ngu . . . Torikumanya yaaba ari Ruhanga, nari eki kiri ekirikugamba naiwe. Noohurira amaraka omu matu gaawe. Buzima ndi musya ahariiwe. Ekyo ku kiraabe kihikire, imutsya emikono yaawe, kandi ekyo nikyo kirikubaho. Tikirigaruka kukuteganisa bundi, Yesu Kristo yaakutambira.

Nimwikiriza Omufumu omukuru? [Abateeraine baayesiima kandi baagira bati, "Amiina." -Omur.]

Nkaagambire naiwe, kwonka, okuruga Norway, kandi torikwetegyereza; orurimi rwa Norway. Ahaa. Ni kirungi, mugambire agarukye omuka, naikiriza, ow'eishe-emwekaza, ku oraabe noomanya kurugamba. Mugambire ngu ekizibui kye ky'omutwe nikiza kurugaho. Hati, nimumanya ku ntarikumumanya. Yaija hanu naaruga Norway, kushabirwa. Garukayo, ori omuntu okizire. Amiina.

Oo! "Yesu Kristo tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona!" Niki? N'egyo Nyomyo y'Omuroiro. N'Omwoyo Orikwera. N'ako Kamanyiso, akarikworeka ngu Yesu Kristo ahuriire. Kandi abantu, kare munonga, ku Baamureebire naakora ebuntu ebyo, Akamanya ebiteekateeko byabo ahabw'okuba Niwe Kigambo. "Kandi Ekigambo kiine obwogi bwingi okukira rurara yoona ey'amoogi abiri, kandi kirahuka cuacaaka ebi omuntu arikuteekateeka n'ebi bamaririire omu mitima yaabo kukora." Amiina.

Naareeba amaizi nigataaraaka, hamwe n'omutsigazi ogu naija. Akahurira, kandi yaashoma ekitabo okwo, kandi yaahandiika, omu rurimi rwa Norway. Akahika aha kwetegyereza; omuntu akamugambira. Aine omurabanamu, kwonka, ku araikirize n'omutima gwe gwona, Mukama Yesu naija kumukiza. Arugire hare munonga, n'omwana enshoberwa, oku kiri, naamigisiriza kutaahamu. Kandi nitwija kumutaho engaro, omu kaanya kakye.

109 Nimwikiriza? [Abateeraine baagira bati, "Amiina." -Omur.] Amiina! Ka ni kirungi! Oo, mugyenzi! "Omufumu omukuru hati ari haihi!" Ow'eishe-emwekaza, Ow'eishe-emwekaza ogwo Ungren arahi, hamwe n'oriya w'eishe-emwekaza w'aha piyano? Niinyenda ngu mwije hanu jubajuba, ku muraabe nimubaasa, reero mutuhe

ekyeshongoro, "Ogwo Mufumu omukuru hati ari haihi, Yesu omusaasizi."

Niinyenda abantu abari aha rubaju rw'entebe oru hanu, abarikwenda kushabirwa, nimbashaba kwija eifo hanu orubaju oru, orubaju rw'entebe rumwe obwire bumwe. Ow'eishe-emwe Neville, ekyo kikore ku oraabe noobaasa. Ow'eishe-emwe Capps arahi nari omwe ahari abo beebebezi b'ebleshongoro? Kandi shi Ow'eishemwe Ungren, nari Ow'eishe-emwe Capps, nari ondiijo, ija hanu, oyeshongore, otwebembere omu kyeshongoro eki ku oraabe noobaasa. Ow'eishe-emwe na . . . Omwe ahari abo b'eishe-emwe arahi? Ni kirungi. Ni kirungi, sebo, ekyo ni kirungi. Ni kirungi. Buri omwe ashabe!

110 Mwijukeye, okusherura n'omutima gwona! Nimureeba eki okusherura n'omutima gwona kiraakore? Okusherura n'omutima gwona nikukwambutsya enyanja mpango. Okusherura n'omutima gwona nikukwiha omu rindi ihanga kukureete. Okusherura n'omutima gwona nikukutwara ahantu hoona. Omugurusi omuzaire omukundwa na muhara we, omu kusherura n'omutima gwona, baagyerezeho kutaahamu, kwijamu, buri kimwe, n'okushutama oku biri kwona; obwire bukye obwahwaho Omwoyo Orikwera ekyo akyorekire hanu omu ruteerano, ntakataahiremu hanu. Oo!

Ekyeshongoro ekirikukirayo oburungi ekireeshongoirweho,

Ni Yesu, Yesu ohairwe omugisha.

Omfumu omukuru hati ari haihi,

Omusaasizi . . .

Mukama Yesu, ikiriza, hurira eshaara y'omuheereza Waawe, Mukama. Ninshaba ngu obugane buri omwe omuri aba abu turikushabira, omu Iziina rya Yesu.

. . . eiraka rya Yesu.

Eiraka eririkukirayo oburungi omu kyeshongoro kya baaserafi,

Eiziina eririkukirayo oburungi omu kanwa k'abantu;

Oo, ekyeshongoro ekirikukirayo oburungi ekireeshongoirweho,

K'abo abarikusherura n'omutima gwona hati, abarikumanya buzima ngu nibaza kukira . . . Teekateeka kwonka, okurugiirira aha kumanya kwangye, obucweka igana ahari igana bwabo, ab'ekiro kya Sande, baakizire saabiiti egi.

Omusaasizi . . .

111 Mwetegyereze, Naija. Mwareeba, Yaaherize kukutambira. Naareeta Ekigambo Kye, Akihamya, Ayoreka Okubaho Kwe. Tihariho omuntu orikubaasa kukora ebintu ebyo aheeru ya Ruhanga. Ekyo nimukimanya. N'akamanyiso ka Mesia. Kandi nimumanya ngu nyowe tindi Mesia, n'ahabw'ekyo Niwe. Hati hanu Yaabahamiza buri kimwe.

Hati kishemereire kutuma waasherura n'omutima gwona. Kishemereire kutuma omwanya ogu gwakwatwa amashanyarazi kandi kikwate e . . . Ngaaha, kuba nk'a-a-a-akati k'ekibiriiti kukata omu duraamu ejiwiremu obuganga bw'ekibiriiti. Buzima! Kandi kishemereire kureetaho okubaruka kw'amaani kw'okwikiriza, na-na rukundo kandi okusherura n'omutima gwona kutume abantu abo baataaha omu Bukama bwa Ruhanga, kwikiriza n'omutima gwabo gwona. Hati nimwikiriza, buri omwe omuriimwe? [Abateeraine baagira bat, "Amiina." -Omur.] Ni kirungi. Hati, Billy, kwata . . .

112 Tony, reeba hanu ongumyeho amaiso okumara edakiika. Mazire obwire buraingwa ntarikukureeba, kwonka orware. Orwaire ekirikushushana esheshe. Ekyo kihikire. Neeza kugyenda. Neeza kukurugaho. Naareeba ekyo kintu kimukuratiire, ku yaaba naareetwa hari. Tihariho ekintu kyona ekirikubaasa kusherekwa Ruhanga hati hati. Mbaire ntaheruuka . . . Mazire ameezi maangi ntarikureeba Tony, ninteebereza, kwonka nindeeba aine ekyo kintu. Akaba atakiine; hati takiine.

Ka twinikye emitwe yaitu. Hatagira n'eriisho rimwe eryaguma nirireeba. Hatagira n'eriisho rimwe eryareeba. Ka buri omwe agume naashaba. Kandi Billy Paul nari Ow'eishe-emwe Neville, omwe, ayete ezindi nyiriri obwire ku buraahikye. Hati buri omwe agume naashaba. Twaza kugyezaho hati; abo rwagati nibaija aha mukono gwawa gwa bumoshlo ku muraayetwe, nikyo kimwe n'a-n'ab'aha rubaju rw'omukono gwa bumoshlo hanu baije aha mukono gwawa gwa bumoshlo kumuraayetwe. Ow'eishe-emwe Neville naija kubeeta.

Hati, niinyebuza hariho omuheereza weena hanu orikwenda kunkwatsa, kwemerera hanu kuta engaro aha bantu abo obwo bariyo nibaija? Omuheereza weena omuriimwe b'eishe-emwe, buzima nootangirirwa kwija kwemerera naanye ku oraabe nooyenda kukikora. Ti murimo gw'omuntu omwe. Oine obugabe bw'okushabira abarwaire nk'oku naanye mbwine.

Nimmanya ngu Omwoyo Orikwera ari hanu. Weena otarikubaasa kwikiriza ekyo, hariho ekimushobireho.

113 Kare, ka twikirize hati n'emitima yaitu yoona, ngu Ruhanga naija kutuha ebintu ebi ebiturikushaba. Mugire okwikiriza hati. Mutabanganisa.

Kandi buri omwe, ashabire mugyenzi we. Baiburi neegamba ki? "Tweteisizane ebishobyo byaitu; mushabirane . . ."

Kandi imwe bantu 'mwe abarikwija omu runyiriri, ahonaaho emikono egi yaakukwataho, orugye hanu nooyesiima kandi noohimbisa Ruhanga ngu okizire.

Ni kirungi, buri omwe agume naashaba obwo Ow'eishe-emwe Capps naayebembera eby'eshongoro.

Mukama Yesu, hati tuhwere. Ninshaba, omu Iziina rya Yesu Kristo, ngu Omwoyo Orikerwa abaase kukwata ahari buri omwe, kandi ninshaba ngu bakire obwo turiyo nitworobera ebiragiro Byawe eby'okuta engaro aha barware. Okagira oti, "Baryakira." Nitukiikiriza, Taata, omu Iziina rya Yesu. Amiina.

Kare, buri omwe agume naashaba hati obwo turiyo nitutandika kushaba. Okubanza, n'akoojo akarware akari omu kagaari k'abarware.

114 Naata engaro aha mwana ogu, omu Iziina rya Yesu Kristo, kugira ngu abe gye.

Eego, sebo.

Omum Iziina rya Yesu Kristo . . . [Ow'eishe-emwe Branham hamwe n'abaheereza baata engaro ahari abo abari omu runyiriri rw'ab'okushabirwa, kwonka eshaara zaabo tizikaahurirwa kurungi. Abateeraine nibashaba kandi nibagumizamu nibeeshongora obutaremuura Omufumu Omukuru -Omur.]

Ekyeshongoro ekirikukirayo oburungi ekireeshongoirweho,

Ni Yesu, Yesu ohairwe omugisha.

115 Nibangahi omuriimwe abarikwiriza ngu Ruhanga yaagarukamu, noohamya omu mutima gwawé, n'obuhame obutairweho akamanyiso, ngu Ruhanga agarukiremu okushaba kwawé ababw'okuba oyorobeire Ekiagbo Kye? Kyakorwa. Kihweire. Kya-kyakorwa. Omwikirize n'omutima gwawé gwona, ku n'omurimo oguhweire.

Hati mureebe saabiiti egi, kandi ku oraagarukye ogundi murundi, oreebe ekibaireho.

Ningira ngu, ogundi murundi ku ndaagarukye, Mukama ku araakunde, niinyija kuba ninshabira ab'omu runyiriri omuri kimwe omu bishengye ebi, omuri ako kashengye aku nshemereire kubatwaramu, mwareeba. Niinyikiriza kiriyo nikishwekuurwa hati, mwareeba, egoy shaaha.

Niinyenda kuhika ahu ndikubaasa kureeta abantu omwe omwe, nkoragane n'abantu omuntu okwe, okuhitsya obu ndaakisherure kandi nkakizoora, reero nkagumizamu nka batyo, okuhitsya obu ndaagume nabo obunaku obwo.

116 Ruhanga abahe omugisha mwena. Tushemereirwe munonga ababw'okuba hanu kwanyu. Oine . . . Nooshaba obutaruha hati? No . . . Noosherura n'omutima gwona, okusherura kwawé n'omutima gwona oku obaire oiniire okutambirwa kwawé? Hati kwona kuhweire, omuri rukundo n'okwikiriza hamwe n'obuhame ngu Ruhanga naija kukora eki yaaraganiise kukora? [Abateeraine baagira bat, "Amiina." -Omur.] Ruhanga naija kukora.

Okuruga ahari abo baana bato, hariho babiri nari bashatu hanu ekiro eki, omu bugaari bw'abarware, ni . . . Nitwija kwikiriza ababwabo, n'abaana, ngu nibaza kukira, nabo. Nibaza kuba gye. Timurikukiikiriza? [Abateeraine baagira bat, "Amiina." -Omur.] Amiina! "Baryakira." Nibateekwa kukira. Ruhanga nikwo yaagambire. Kandi nitusherura n'omutima gwona, kandi nituza kukiikiriza hati, ngu nikiza kukorwa.

117 Hati, saaviisi zaitu habamu ebintu ebirikukuratana. Hati twaza kusiibuura abashomi abo abarikwenda kugyenda. Kandi omu kwetegyereza kwangye okurungi, nihaburaho edakiika munaana kuhika shaaha ina. Kandi, ku oraabe nooyenda kugyenda, tu-tushemereirwe ababw'okuba naiwe, kandi nitwenda ngu ogarukye kandi obe naitwe. Abatsigaire, ku turaaheze kwemerera, nimuza kugaruka mushutame; reero abo abarikugyenda, mushohore mpora nk'oku murikubaasa. Reero nituza kugiraho saaviisi y'okushembera ahonaaho ahanyima y'ekyo. Nimuraarikwa kuguma hanu ku muraabe nimubaasa. Ku oraabe otarikubaasa, Ruhanga akuhe omugisha. Munshabire. Niinyija kubashabira. Kandi mwijukye, mugume mutaireho Akamanyiso, kandi mugume nimusherura n'omutima gwona kutaaha omu Bukama bwa Ruhanga n'amaani. Amiina!

Hati twaza kweshongoro ekyeshongoro kyaitu ky'okusiibuura abantu, ku turaabe nitubaasa, kandi, Twara Eiziina Rya Yesu, obwo turiyo nitwemerera.

. . . Eiziina rya Yesu,

Mwana w'obujune n'enaku;

Niriija kukuha okushemererwa kandi rikuuumuze,

. . . hoona hoona ahi oraaze

Eiziina ry'omuhendo, Eiziina ry'omuhendo! O ka nirirungi, O ka nirirungi!

Matsiko g'ensi kandi okushemererwa kw'Eiguru;

Eiziina ry'omuhendo, O ka nirirungi, ka nirirungi!

Matsiko g'ensi kandi okushemererwa kw'Eiguru.

Kwata mugyenzi waawe omu ngaro, ogire oti, "Mukama akuhe omugisha, ow'eishe-emwe mugyenzi wangye omuhinguzi, ow'eishe-emwe kazi." Oihire aha mutima, ohamize, omu kutiina Ruhanga, hamwe n'Abakristaaayo abanywani omu buryo bw'okukwatanisa, kwata omu ngaro za mugyenzi waawe, ow'eishe-emwe n'ow'eishe-emwe kazi. Ruhanga abahe omugisha mwena, hamwe. Ni kirungi munonga!

Niimukunda, Niimukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gorogosa.

Okuhitsya obu turibugana! okuhitsya obu turibugana!

Okuhitsya obu turibuganira aha bigyere bya Yesu; okuhitsya obu turibugana!

Okuhitsya obu turibugana! Oo, okuhitsya obu turibugana!

Ruhanga abe naimwe okuhitsya obu turibugana ogundi murundi.

Okuhitsya obu turibugana! okuhitsya obu turibugana!

Okuhitsya obu turibuganira aha bigyere bya Yesu; okuhitsya obu turibugana! Okuhitsya obu turibugana! okuhitsya obu turibugana!

Ruhanga abe naimwe okuhitsya obu turibugana ogundi murundi.

[Ow'eishe-emwe Branham yaatandika kweshongora abumbire eminwa Ruhanga Abe Naimwe -Omur.]

118 Oburungi obu n'okukwatanisa kw'Akamanyiso kakuru ka Ruhanga, Omwoyo Orikwera, ninshaba ngu agume naimwe mwena munonga okuhitsya obu turibugana ogundi murundi. Embabazi za Ruhanga zigyende naimwe, ziteere emihanda ya rufu omu maisho gaanyu; zitereeze omuhanda gwanyu gube gye, nikwo mubaase kuguma nimureeba Yesu obutoosha omu maisho gaanyu, kandi timuritengyetsibwa.

119 Tataitwe ow'omu Iguru, nituhayo saaviisi egi, na saaviisi y'akasheeshe aka, saaviisi ezo n'ebyo ebikozirwe, hamwe n'ekitiinisa kyona Ahariiwe, Nitukusiima kandi nitukuhimbisa ahabw'okujuna abantu, n'okutambira abantu, kandi n'okutuha embabazi Zaawe nydingi ezi twena tuhangire amaisho. Tujune. Ka Nitukusiima ahabw'eki. Ba naitwe hati okuhitsya obu turaagarukye kubugana. Ba naitwe aha meeza ya Mukama. Ba ahari siteeringi yaabo abarikuvuga, Mukama, okuhika omu maka gaabo. Bahabure omu bihuumuro ebi by'okujagarara, nikwo hatagira akabi n'omurabanamu ogwabahikaho. Omu Iziina rya Yesu Kristo twakishaba. Amiina.

Ni kirungi, Twara Eiziina Rya Yesu, ogundi murundi hati.

Twara . . . Eiziina rya Yesu . . . (Mwasiibuurwa hati, omu Iziina) . . .

Nk'engabo okukukingira buri mutego;

Ebigyezo ku biraakwetooroore . . .

Obwo nookora ki?

Oitsye Eiziina eryo eririkwera omu kushaba.

Eiziina ry'omuhendo, Eiziina ry'omuhendo! O ka nirirungi, O ka nirirungi!

Matsiko g'ensi kandi okushemererwa kw'Eiguru;

Eiziina ry'omuhendo, Eiziina ry'omuhendo! O ka nirirungi, ka nirirungi!

Matsiko g'ensi kandi okushemererwa kw'Eiguru.

Nitwinamira Eiziina rya Yesu,

Nitugwa turambiire aha bigyere Bye,

Omugabe w'abagabe omu Iguru nitwija Kumujweka ekirunga,

Orugyendo rwaitu ku rurihwa.

Eiziina ry'omuhendo, O ka nirirungi!

Matsiko g'ensi kandi okushemererwa kw'Eiguru;

Eiziina ry'omuhendo, O ka nirirungi, ka nirirungi!

Matsiko g'ensi kandi okushemererwa kw'Eiguru.

120 Hati mutakashutamire, obwo abantu bariyo nibatebeekana hati ahabwa saaviisi y'okushembera.

Ku ndaabe ntaareeba kubi, ogu t'Ow'eishe-emwe Blair, omuheereza ou naabugaine okwo omuri Arkansas enshumi nkye ehwire? Nikwo naaba naateekateeka. Naaba ntahamize. Obaire oreetsire hanu omwana w'okumurika, omwana muto, akasheeshe aka. Naateekateeka . . . Tiiwe ou naabugaine enshumi nkye ehwire, hanu ahari Hot Springs, Arkansas? Okaba ori . . . Hariho ekintu ekyabaire nokyenda kubaho, kwonka Omwoyo Orikwera yaakigamba. Ekyo kikaba kihikire? Ni kirungi. Na . . . obwo naaba naijuka, naateekateeka, "Ogwo n'ow'eishe-emwe ori." Naashemererwa munonga ori hanu, Ow'eishe-emwe Blair.

Hati naaza kushaba Ow'eishe-emwe Blair ku araabe naabaasa kushaba Ruhanga akatweza hati ahabw'okushembera okuturikwenda kuzaho. Waaza kukikora, Ow'eishe-emwe Blair? [Ow'eishe-emwe Richard Blair yaashaba. -Omur.] Eego. Eego, Mukama. Kikore, Mukama. Eego, Mukama. Eego, Mukama. Eego, Mukama. Eego. Eego. Amiina.

Nimubaasa kushutama hati, buri omwe.

121 Hati enanga, ow'eishe-emwekazi, mwena ku muraabe nimubaasa kuteera Hariho Enshuro ejwire Eshagama. Kandi noobaasa kutandika . . . obatwareyo, kyona ekirikwetaagisa. Kare, okushoma hati, kuri nitubaasa . . . tucureere ahabw'akaanya kakye.

Eego, ow'eishe-emwekazi? [Ow'eishe-emwekazi yaagira ati, "Nsherure akatambaara kangye?" -Omur.] Ni kirungi, ow'eishe-emwekazi, sherura hanu okuhitsya obu oraakabone, ekyo nikiza kuba kirungi obwo, ahu kari hoona. Niko ako? Ni kirungi ow'eishe-emwekazi.

Ni kirungi, hati Ow'eishe-emwe Neville yaaza kushoma obuteeka bw'okuza aha meeza. Bwanyima abahwezi nibaza kwija, ku haraabe hariho abagyenyi hanu, ahari buri ntebe, kandi bareete ab'aha rubaju rumwe hakurateho orundi, obwo turiyo nitwija, orunyiriri rumwe rumwe rw'abari aha ntebe, ahabw'okuza aha meeza.

122 Kandi hati ninshaba ngu muteekateekye hati. Mwijukye, Israeli ekagirya omu kwagirirwa, kandi omu rugbyendo rwabo rwona tihariho n'omwe aharibo owaabaire ataine amaani, aha muheru gw'emyaka makumi ana. Oku nakwo, n'okutamba kwa Ruhanga.

Mukama akuhe omugisha, Ow'eishe-emwe Neville. [Ow'eishe-emwe Neville yaashoma Ekyahandiikirwe ekyaza kukurataho, Abakorinso y'Okubanza 11:23-32 -Omur.]

Ahakuba eki naahairwe Mukama, nikyo naabahaire naimwe, ngu Mukama waitu Yesu, aha kiro eki baamureebeizeho, akawata omugaati;

Ku yaaherize kusiima, yaagubega, yaagira ati: Ogu nigwo mubiri gwangye oguheebwayo ahabwanyu; mugume mukore muti okuunyijukiraho.

Ku baaherize kurya, yaakwata atyo n'ekikopo, yaagira ati: Ekikopo eki niyo ndagaano nsya omu shagama yangye. Mugume mukore muti, mwaba nimuginywa, okuunyijukiraho.

Ahakuba ku murya aha mugaati ogu, kandi mwanywa n'aha kikopo eki, muba nimworeka okufa kwa Mukama waitu, okuhitsya obu ariija.

N'ahabw'ekyo omuntu weena orikurya aha mugaati gwa Mukama waitu, akanywa aha kikopo kye nk'oku kitashemereire, aryagira orubanja rw'okucumura aha mubiri n'eshagama ebya Mukama.

N'ahabw'ekyo omuntu ayeshwijume, abone kurya aha mugaati ogwo n'okunywa aha kikopo ekyo.

Ahakuba omuntu ku arya yaanywa, ateetaire ha mubiri gwa Mukama, aba naayeriira kandi naayenywera orubanja.

Nikyo kireeteire baingi omuriimwe kugira amagara mabi n'okurwara; kandi n'abagwejegyeire ti bakye. Kuri twecwera orubanja twenka, titwakurucwereirwe.

Kwonka ku turucwerwa Mukama waitu, atuhana ngu turekye kucwerwa orubanja hamwe n'ab'ensi.

[Ow'eishe-emwe Neville yaagira ati, "Mukama ahe omugisha okushoma, Ekigambo." Ow'eishe-emwe Branham

bwanyima yaiha ahansi etureeyi eriho omugaati ogucwirwemu obucwekacweka -Omur.]

123 Nkwatsire omugaati ogweziibwe, ogwine emifunya kandi ogucwanyagwirwe, ogurukjwekyera omubiri gwa Yesu Kristo; okurabira-okurabira omu mukingo ogu ogwashatwirwe nitubaasa kuza Aharikukirayo kuba aharikwera munonga.

Tataitwe ow'omu Iguru, omugaati ogu gutebeekanisiibwe kujwekyera ogwo mubiri ogwahenzirwe kandi gukataagurwa. Ninshaba ngu buri omwe omuriitwe, twaba nitugurya, ka kibe oti shana tukakora ekikorwa eki. Kandi ninshaba ngu tusaasirwe ebibi byaitu, kandi tubaase kuza Aharikukirayo kuba aharikwera munonga, kutuura Omu maisho Gaawe omu magara gaitu aga bwanyima; hamwe n'ebiro byona ebiturimara hanu omu nsi, kandi tutuure Naiwe omu Butahwaho okuhitsya ryari na ryari. Kituhe, Taata. Ha omugisha omugaati ogu ahabw'ekyo kigyendererwa. Omu Iziina rya Yesu. Amiina.

124 [Ow'eishe-emwe Branham yaakwata etureeyi eriho obugiraasi bukye obwijwiremu viinyo -Omur.] Baiburi neegira eti, "Ku Yaaherize kukwata n'okubega omugaati, omu buryo nibwo bumwe Yaakwata ekikopo; kandi ku Yaaherize kunywaho, yaagira ati, 'Eki n'ekikopo ky'Endagaano Ensyu omu Shagama Yangye, esheesheka ahabwanyu." Ninshaba ngu Mukama ahe omugisha Gwe ebi obwo turiyo nitushaba.

Mukama Yesu, hanu nkwartsireho eshagama ya viinyo, enshande erugire omu byana by'omuzaabibu. Kandi, Taata, n'ey'okujwekyera ego Shagama y'omuhendo erikutweza, Omwo hakarugamu Akamanyiso. Ninkusiima Ahabwayo, Taata, kandi n'ahabw'akamanyiso aka. Okagira oti, "Orikurya kandi akanya Ebi aine Amagara agatahwaho, kandi Ndyagaruka muzoore aha bwire bw'aha muheru." Nitukusiima ahabw'okuraganisa oku. Kandi, Taata, nitushaba ngu oschemeze emitima yaitu, twena hamwe, nikwo tubaase kuba abashemereire okurabira omu . . . kwikiriza kwaitu; nitumanya ngu omuriitwe twenka titushemereire, kwonka okwikiriza kwaitu tikurikwija kuremwa, ngu nitwakiirira kimwe Eshagama ya Yesu Kristo. Kikore, Taata.

Kandi yeeza viinyo ahabw'ekigyendererwa kyayo. Ninshaba ngu weena oraanywe viinyo egi ekiro eki, kandi akarya aha mugaati ogu, atunye amaani ahabw'orugyendo oruri omu maisho. Kikore, Mukama. Ninshaba ngu bagire amagara marungi n'amaani, kandi bajure Omwoyo Waawe, okuhitsya obu Yesu ariija. Amiina.



Obutumwa obu bukabuurirwa
William Marrion Branham
 "... omu biro by'eiraka ..." Kush 10:7